

唐書



百官志第三十六

唐書四十六

宋 祁 奉 敕 撰

唐之官志其名號祿秩雖因時增損而大抵皆沿隋故其官司之別曰省曰臺曰寺曰監曰衛曰府各統其屬以分職定位其辨貴賤叙勞能則有品有爵有勲有階以時考覈而升降之所以任群材治百事其為法則精而密其施於事則簡而易行所以然者由職有常守而位有常負也方唐之盛時其制如此蓋其始未嘗不欲立制度明紀綱為萬世法而常至於交侵紛亂者由其時君不能慎守而徇一切之苟且故其事愈繁而官益冗至失其職業而卒

不能復初太守省以外官定制爲七百三十員曰吾以此待天下賢材足矣然是時已有員外置其後又有特置同正員至於檢校兼守判知之類皆非本制又有置使之名或因事而置事已則罷或遂置而不廢其名類繁多莫能徧舉自中世已後盜起兵興又有軍功之官遂不勝其濫矣故採其綱目條理可爲後法及事雖非正後世遵用因仍而不能改者著于篇宰相之職佐天子揔百官治萬事其任重矣然自漢以來位號不同而唐世宰相名尤不正初唐因隋制以三省之長中書令侍中尚書令共議國政此宰相職也其後以太宗嘗爲尚書令臣下避不敢居其

職由是僕射爲尚書省長官與侍中中書令號爲宰相其品位既崇不欲輕以授人故常以他官居宰相職而假以他名自太宗時杜淹以吏部尚書參議朝政魏徵以祕書監參預朝政其後或曰參議得失參知政事之類其名非一皆宰相職也貞觀八年僕射李靖以疾辭位詔疾小瘳三兩日一至中書門下平章事而平章事之名蓋起於此其後李勣以太子詹事同中書門下三品謂同侍中中書令也而同三品之名蓋起於此然二名不專用而佗官居職者猶假佗名如故自高宗以後爲宰相者必加同中書門下三品雖品高者亦然惟三公三師中書令則否其後

改易官名而張文瓘以東臺侍郎同東西臺三品同三品入銜自文瓘始永淳元年以黃門侍郎郭待舉兵部侍郎岑長倩等同中書門下平章事平章事入銜自待舉等始自是以後終唐之世不能改初三省長官議事于門下省之政事堂其後裴炎自侍中遷中書令乃徙政事堂於中書省開元中張說爲相又改政事堂號中書門下列五房于其後一曰吏房二曰樞機房三曰兵房四曰戶房五曰刑禮房分曹以主衆務焉宰相事無不統故不以一職名官自開元以後常以領他職實欲重其事而反輕宰相之體故時方用兵則爲節度使時崇儒學則爲大學士時急

財用則爲鹽鐵轉運使又其甚則爲延資庫使至於國史太清宮之類其名頗多皆不足取法故不著其詳學士之職本以文學言語被顧問出入侍從因得參謀議納諫諍其禮尤寵而翰林院者待詔之所也唐制乘輿所在必有文詞經學之士下至卜醫伎術之流皆直於別院以備宴見而文書詔令則中書舍人掌之自太宗時名儒學士時時召以草制然猶未有名號乾封以後始號北門學士玄宗初置翰林待詔以張說陸堅張九齡等爲之掌四方表疏批答應和文章旣而又以中書務劇文書多壅滯乃選文學之士號翰林供奉與集賢院學士分掌制詔書敕開

質其制有三一曰關二曰刺三曰移凡授內外百司之事皆印其發日為程一曰受二曰報諸州計奏達京師以事大小多少為之節凡符移關牒必遣於都省乃下天下大事不決者皆上尚書省凡制敕計奏之數省符宣告之節以歲終為斷龍朔二年改尚書省曰中臺廢尚書令尚書省曰文昌臺俄曰文昌都省垂拱元年曰都臺長安三年曰中臺

左右僕射各一人從二品掌統理六官為令之貳令闕則

總省事劾御史糾不當者龍朔一年改左右僕射曰左右匡政光宅元年曰文昌左右相

開元元年曰左右丞相大寶元年復

左丞一人王四品上右丞一人正四品下掌辨六官之儀

糾正省內劾御史舉不當者吏部戶部禮部左丞總焉兵

部刑部工部右丞總焉郎中各一人從五品上員外郎各

一人從六品上掌付諸司之務舉稽違署符目知宿直為

丞之貳以都事受事發辰察稽失監印給紙筆以主事令

史書令史署覆文案出符日以亭長啓閉傳禁約以掌固

守當倉庫及陳設諸司皆如之隋尚書省諸司郎及承務郎各一人而廢左右司武

德三年改諸司郎為郎中承務郎為員外郎貞觀元年復置左右司郎中龍朔元年改左右丞曰左右肅機郎中曰左右承務諸司郎中曰大夫承昌元年復置員外郎神龍元年省明年復置初有駟驛百人掌乘傳送符後廢

都事各六人從七品上主事各六人從八品下吏部考功

禮部主書皆如之諸司主事從九品上有令史各十八人書令史各三十六

人亭長各六人
掌固各十四人

吏部尚書一人正三品侍郎二人正四品上郎中二人正五品上員外郎二人從六品上掌文選勳封考課之政以三銓之法官天下之材以身言書判德行才用勞效較其優劣而定其留放爲之注擬五品以上以名上而聽制授六品以下量資而任之其屬有四一曰吏部二曰司封三曰司勳四曰考功吏部郎中掌文官階品朝集祿賜給其告身假使一人掌選補流外官員外郎二人從六品上一人判南曹皆爲尚書侍郎之貳凡文官九品有正有從自正四品以下有上下爲二十等凡文散階二十九從一品

曰開府儀同三司正二品曰特進從二品曰光祿大夫正三品曰金紫光祿大夫從三品曰銀青光祿大夫正四品上曰正議大夫正四品下曰通議大夫從四品上曰太中大夫從四品下曰中大夫正五品上曰中散大夫正五品下曰朝議大夫從五品上曰朝請大夫從五品下曰朝散大夫正六品上曰奉議郎從六品下曰通直郎正七品上曰朝請郎正七品下曰宣德郎從七品上曰朝散郎從七品下曰宣義郎正八品上曰給事郎正八品下曰徵事郎從八品上曰承奉郎從八品下曰承務郎正九品上曰儒林郎正九品下

曰登仕郎從九品上曰文林郎從九品下曰將仕郎自四
品皆番上於吏部不上者歲輸資錢三品以上六百六品
以下一千米旱蟲霜減半資有文藝樂京上者每州七人
六十不樂簡選者罷輸勳官亦如之以征鎮功得護軍以
上者納資減三之一凡流外九品取其書計時務其校試
銓注與流內略同謂之小選吏部主事四人司封主事二
人司勳主事四人考功主事二人武德五年改選部曰吏部七年省侍郎貞觀二
年復置龍朔元年改吏部曰司列主爵曰司封考功曰司
績武后先天元年改吏部曰天官垂拱元年改主爵曰司
封天寶十一載改吏部曰文至德二載復舊有吏部令
史二十一人書令史六十八人令史十四人甲庫令史十
二人亭長八人掌書令史三十三人書令史六十七人掌書四人
掌書四人司勳令史三十三人書令史六十七人掌書四人

人考功令史十五人書令史三十人掌書固四人

司封郎中一人從五品上員外郎一人從六品上諸郎中
員外郎品皆如之掌封會朝會賜予之級凡爵九等一曰
王食邑萬戶正一品二曰嗣王郡王食邑五千戶從一品
三曰國公食邑三千戶從一品四曰開國郡公食邑二千
戶正二品五曰開國縣公食邑千五百戶從二品六曰開
國縣侯食邑千戶從三品七曰開國縣伯食邑七百戶正
四品上八曰開國縣子食邑五百戶正五品上九曰開國
縣男食邑三百戶從五品上皇兄弟皇子皆封國為親王
皇太子子為郡王親王之子承嫡者為嗣王諸子為郡公

以恩進者封郡王襲郡王嗣王者封國公皇姑爲大長公主正一品嫡爲長公主文爲公主皆視一品皇太子文爲郡主從一品統王女爲縣主從二品凡王公十五以上預朝集宗親文婚諸王長女月二參內命婦一品母爲正四品郡君二品母爲從四品郡君三品四品母爲正五品縣君凡諸王公主外戚之家卜祝占相不入門王妃公主郡縣主發居有子者不再嫁凡外命婦有六王嗣王郡王之母妻爲妃文武官一品國公之母妻爲國夫人三品以上母妻爲郡夫人四品母妻爲郡君五品母妻爲縣君勳官四品有封者母妻爲鄉君凡外命婦朝參視夫子之品諸蕃三品以上母妻授封以制流外技術官不封母妻親王孺人二人視正五品媵十人視從六品二品媵八人視正七品國公及三品媵六人視從七品四品媵四人視正八品五品媵三人視從八品凡置媵上其數補以告身散官二品以上皆置媵凡封戶三丁以上爲率歲租三之一入于朝廷食實封者得真戶分食諸州皇后諸王公主食邑皆有課戶名山大川畿內之地皆不以封

司勳郎中一人員外郎二人掌官吏勳級凡十有二轉爲上柱國視正二品十有一轉爲柱國視從二品十轉爲上護軍視正三品九轉爲護軍視從三品八轉爲上輕車都

尉視正四品七轉爲輕車都尉視從四品六轉爲上騎都尉視正五品五轉爲騎都尉視從五品四轉爲驍騎尉視正六品三轉爲飛騎尉視從六品二轉爲雲騎尉視正七品一轉爲武騎尉視從七品凡以功授者覆實然後奏擬戰功則計殺獲之數堅城苦戰功第一者三轉出少擊多曰上陣兵數相當口中陣出多擊少曰下陣矢石未交陷堅突衆敵因而敗者曰跳盪殺獲十之四曰上獲十之二曰中獲十之一曰下獲凡酬功之等見任前資常選曰上資文武散官衛官勳官五品以上曰次資五品以上子孫上柱國柱國子勳官六品以下曰下資白丁衛士口無資

跳盪人上資加二階次資下資無資以次降凡上陣上獲五轉中獲四轉下獲三轉第二第三等遞降焉中陣之上獲眡上陣之中獲中獲眡上陣之下獲下獲兩轉下陣之上獲眡中陣之中獲中獲眡中陣之下獲下獲一轉破蠻獠上陣上獲比兩番降二轉凡勳官九百人無職任者番上於兵部眡遠近爲十二番以彊幹者爲番頭留宿衛者爲番月上外州分五番主城門倉庫執刀上柱國以下番上四年驍騎尉以下番上五年簡於兵部授散官不第者五品以上復番上四年六品以下五年簡如初再不中者十二年則番上六年八年則番上四年勳至上柱國有餘

則授周以上親無者賜物太常音聲人得五品以上勲非
征討功不除簿諸州授勲人歲第勲之高下三月一報戶
部有蠲免必驗

考功郎中員外郎各一人掌文武百官功過善惡之考法
及其行狀若死而傳于史官謚于太常則以其行狀質其
當不其欲銘于碑者則會百官議其宜述者以聞報其家
其考法凡百司之長歲較其屬功過差以九等大合衆而
讀之流內之官敘以四善一曰德義有聞二曰清慎明著
三曰公平可稱四曰恪勤匪懈善狀之外有二十七最一
曰獻可替否拾遺補闕爲近侍之最二曰銓衡人物擢盡

才良爲選司之最三曰揚清激濁褒貶必當爲考校之最
四曰禮制儀式動合經典爲禮官之最五曰音律克諧不
失節奏爲樂官之最六曰決斷不滯與奪合禮爲判事之
最七曰部統有方警守無失爲宿衛之最八曰兵士調習
戎裝克備爲督領之最九曰推鞠得情處斷平允爲法官
之最十曰讎校精審明於刑定爲校正之最十一曰承旨
敷奏吐納明敏爲宣納之最十二曰訓導有方生徒克業
爲學官之最十三曰賞罰嚴明攻戰必勝爲軍將之最十
四曰禮義興行肅清所部爲政教之最十五曰詳錄典正
詞理兼舉爲文史之最十六曰訪察精審彈舉必當爲糾

正之最十七曰明於勘覆稽失無隱爲句檢之最十八曰
職事修理供承彊濟爲監掌之最十九曰功課皆克丁匠
無怨爲役使之最二十曰耕耨以時收穫成課爲屯官之
最二十一曰謹於蓋藏明於出納爲倉庫之最二十二曰
推步盈虛究理精密爲曆官之最二十三曰占候醫卜效
驗多者爲方術之最二十四曰檢察有方行旅無壅爲關
津之最二十五曰市廛弗擾姦濫不行爲市司之最二十
六曰牧養肥碩蕃息孳多爲牧官之最二十七曰邊境清
肅城隍修理爲鎮防之最一最四善爲上上一最三善爲
上中一最二善爲上下無最而有二善爲中上無最而有

一善爲中中職事粗理善最不聞爲中下愛憎任情處斷
乖理爲下上背公向私職務廢闕爲下中居官飾詐貪濁
有狀爲下下凡定考皆集於尚書省唱第然後奏親王及
中書門下京官三品以上都督刺史都護節度觀察使則
奏功過狀以覈考行之上下每歲尚書省諸司具州牧刺
史縣令殊功異行災蝗祥瑞戶口賦役增減盜賊多少皆
上於考司監領之官以能撫養役使者爲功有耗亡者以
十分爲率一分爲一殿博士助教計講授多少爲差親勲
翊衛以行能功過爲三等親勲翊衛備身東宮親勲翊衛
備身王府執仗親事執乘親事及親勲翊衛主帥校尉直

長品子雜任飛騎皆上中下考有二上第者加階番考別
爲簿以待郎顯掌之流外官以行能功過爲四等清謹勤
公爲上執事無私爲中不勤其職爲下貪濁有狀爲下下
凡考中上以上每進一等加祿一季中中守本祿中下以
下每退一等奪祿一季中品以下四考皆中中者進一階
一中上考復進一階一上下考進二階計當進而參有下
考者以一中上覆一中下以一上下覆二中下上中以上
雖有下考從上第有下下考者解任凡制敕不便有執奏
者進其考貞觀初歲定京官望高者二人分校京官外官
考給事中中書舍人各一人泣之號監中外官考使考功

郎中判京官考員外郎判外官考其後屢置監考校考知
考使故事考簿朱書吏緣爲姦咸通十四年始以墨

戶部尚書一人正三品侍郎二人正四品下掌天下土地
人民錢穀之政貢賦之差其屬有四一曰戶部二曰度支
三曰金部四曰倉部戶部郎中員外郎掌戶口田土賦役
貢獻蠲免優復媾婚繼嗣之事以男女之黃小中丁老爲
之帳籍以求業口分園宅均其土田以租庸調斂其物以
九等定天下之戶以爲尚書侍郎之貳其後以諸行郎官
判錢穀而戶部度支郎官失其職矣會昌二年著令以本
行郎官分判錢穀戶部巡官二人主事四人度支主事二

人金部主事三人倉部主事三人

高宗即位改民部曰戶部龍朔二年改戶部曰司元度支

曰司度金部曰司珍倉部曰司庾光宅元年改戶部曰地官天寶

十二載改金部曰司金倉部曰司儲有戶部令史十七人

書令史三十四人計史一人亭長六人掌固十人度支令

史十六人書令史三十三人計史一人掌固四人金部主

事三人令史十人書令史二十一人計史一人掌固四人

倉部令史十二人書令史二十三人計史一人掌固四人

度支郎中員外郎各一人掌天下租賦物產豐約之宜水

陸道涂之利歲計所出而支調之以近及遠與中書門下

議定乃奏

金部郎中員外郎各一人掌天下庫藏出納權衡度量之

數兩京市互市和市官市交易之事百官軍鎮蕃客之賜

及給宮人王妃官奴婢衣服

倉部郎中員外郎各一人掌天下軍儲出納租稅祿糧倉

廩之事以木契百合諸司出給之數以義倉常平倉備凶

年平穀價

禮部尚書一人正三品侍郎一人正四品下掌禮儀祭享

貢舉之政其屬有四一曰禮部二曰詞部三曰膳部四曰

主客禮部郎中員外郎掌禮樂學校衣冠符印表疏圖書

冊命祥瑞鋪設及百官宮人喪葬贈賻之數為尚書侍郎

之貳五禮之儀一曰吉禮二曰賓禮三曰軍禮四曰嘉禮
五曰凶禮凡齊衰心喪以上奪情從職及周喪未練大功
未葬皆不預宴大功以上喪受冊泣官鼓吹從而不作戎

事則否凡朝晚入失儀御史錄名奪俸二奪者奏彈凡出
蕃冊授弔贈者給衣冠皇帝巡幸兩京文武官職事五品
以上月朔以表參起居近州刺史遣使一參留守月遣使
起居北都則四時遣使起居諸司奏大事者前期三日具
狀長官躬署對仗伏奏仗下中書門下泣讀河南太原府
父老每歲上表願駕幸遣使以聞駕在都則京兆府亦如
之凡景雲慶雲為大瑞其名物六十有四白狼赤兔為上
瑞其名物三十有八蒼烏朱鴈為中瑞其名物三十有二
嘉禾芝草木連理為下瑞其名物十四大瑞則百官詣闕
奉賀餘瑞歲終員外郎以聞有司告廟凡喪二品以上稱

慶五品以上稱卒自六品達于庶人稱死皇親三等
喪舉哀有司帳具給食諸蕃首領喪則主客鴻臚月禮

部主事二人祠部主事二人膳部主事二人主客主事二人

武德三年改儀曹部曰禮部郎中司藩郎曰主客郎中
龍朔二年改禮部曰司禮祠部曰司禮膳部曰司膳光
宅元年改禮部曰春官有禮部令史五人書令史十一人
亭長六人掌固八人祠部令史六人書令史十三人掌固
四人主客令史四人書令史九人掌固四人

祠部郎中員外郎各一人掌祠祀享祭天文漏刻國忌廟

諱卜筮醫藥僧尼之事珠玉珍寶供祭者不求於市駕部

比部歲會牲之死亡輸皮於大府郊祭酒醴脯醢黍稷果

實所司長官封署以供兩京及磧西諸州火祆歲再祀而

禁民祈祭凡巡幸路次名山大川聖帝明王名臣墓州縣以官告祭二王後享廟則給牲牢祭器而完其帷帟凡案主客以四時省問凡國忌廢務日內教太常停習樂兩京文武五品以上及清官七品以上行香於寺觀凡名醫子弟試療病長官泣覆三年有驗者以名聞

膳部郎中員外郎各一人掌陵廟之牲豆酒膳諸司供奉口味躬鑄其輦乃遣進胙亦如之非大禮大慶不獻食不進口味凡羊至厨而乳者釋之長生大齋日尚食進蔬食釋所殺羊爲長生供奉凡獻食進口味不殺犢尚食有狝須別索必奏覆月終而會之凡尚食進食以種取而別嘗

之殿中省主膳上食於諸陵以番上下四時遣食醫主食各一人泣之

主客郎中員外郎各一人掌二王後諸蕃朝見之事二王後子孫視正三品鄜公歲賜絹三百米粟亦如之介公減三之一殊俗入朝者始至之州給牒覆其人數謂之邊牒蕃州都督刺史朝集日視品給以衣冠袴褶乘傳者日四驛乘驛者六驛供客食料以四時輸鴻臚季終句會之客初至及辭設會第一等視三品第二等視四品第三等視五品蕃望非高者視散官而減半參日設食路由大海者給祈羊豕皆一西南蕃使還者給入海程糧西北諸蕃則

給度積程糧蕃客請宿衛者奏狀貌年齒突厥使置市坊
有賀易錄奏爲質其輕重太府丞一人泣之蕃王首領死
子孫襲初授官兄弟子降一品兄弟子代攝者嫡年十五
還以政使絕域者還上聞見及風俗之宜供饋贈貺之數
兵部尚書一人正三品侍郎二人正四品下掌武選地圖
車馬甲械之政其屬有四一曰兵部二曰職方三曰駕部
四曰庫部凡將出征告廟授斧鉞軍不從令大將專決還
日具上其罪凡發兵降敕書於尚書尚書下文符放十人
發十馬軍器出十皆不待敕衛士番直發一人以上必覆
奏諸蕃首領至則備威儀郊導凡俘馘酬以絹入鈔之俘

歸於司農郎中一人判帳及武官階品衛府衆寡校考給
告身之事一人判簿及軍戎調遣之名數朝集祿賜假告
之常員外郎一人掌貢舉雜請一人判南曹歲選解狀則
覈簿書資歷考課皆爲尚書侍郎之貳武散階四十有五
從一品曰驃騎大將軍正二品曰輔國大將軍從二品曰
鎮軍大將軍正三品上曰冠軍大將軍懷化大將軍正三
品下曰懷化將軍從三品上曰雲麾將軍歸德大將軍從
三品下曰歸德將軍正四品上曰忠武將軍正四品下曰
壯武將軍懷化中郎將從四品上曰宣威將軍從四品下
曰明威將軍歸德中郎將正五品上曰定遠將軍正五品

下曰寧遠將軍懷化郎將從五品上曰游騎將軍從五品
下曰游擊將軍歸德郎將正六品上曰昭武校尉正六品
下曰昭武副尉懷化司階從六品上曰振威校尉從六品
下曰振威副尉歸德司階正七品上曰致果校尉正七品
下曰致果副尉懷化中候從七品上曰翊麾校尉從七品
下曰翊麾副尉歸德中候正八品上曰宣節校尉正八品
下曰宣節副尉懷化司戈從八品上曰禦侮校尉從八品
下曰禦侮副尉歸德司戈正九品上曰仁勇校尉正九品
下曰仁勇副尉懷化執戟長上從九品上曰陪戎校尉從
九品下曰陪戎副尉歸德執戟長上自四品以上皆番上

於兵部以遠近為八番三月以上三千里外者免番輸資
如文散官唯追集乃上六品以下尚書省送符懷化大將
軍歸德大將軍配諸衛上下餘直諸衛為十二番皆月上
忠武將軍以下游擊將軍以上每番閱彊殺者直諸衛番
滿有將畧者以名聞兵部主事四人職方主事二人駕部
主事二人庫部主事二人龍朔二年改兵部曰司戎職方曰
司城駕部曰司輿庫部曰司庫
光宅元年改兵部曰夏官天寶十一載曰武部駕部曰司
駕有兵部令史三十人書令史六十人制書令史十三人
甲庫令史十二人亭長八人掌固十二人職方令史四人
書令史九人掌固四人駕部令史十人書令史二十四人
掌固四人庫部令史七人
書令史十五人掌固四人

職方郎中員外郎各一人掌地圖城隍鎮戍烽候防人道

路之遠近及四夷歸化之事凡圖經非州縣增廢五年乃脩歲與版籍偕上凡蕃客至鴻臚訊其國山川風土爲圖奏之副上於職方殊俗入朝者圖其容狀衣服以聞

駕部郎中員外郎各一人掌輿輦車乘傳驛廐牧馬牛雜畜之籍凡給馬者一品八匹二品六匹三品五匹四品五品四匹六品三匹七品以下二匹給傳乘者一品十馬二品九馬三品八馬四品五品四馬六品七品二馬八品九品一馬二品以上敕召者給四馬五品三馬六品以下有差凡驛馬給地四頃時以首者凡三十里有驛驛有長舉天下四方之所達爲驛千六百三十九阻險無水草鎮戍者視路要隙置官馬水驛有舟凡傳驛馬驢每歲上其死損肥瘠之數

庫部郎中員外郎各一人掌戎器鹵簿儀仗元日冬至陳設祠祀喪葬辨其名數而供焉凡戎器色別而異處以衛尉幕士暴涼之京衛旗畫蹲獸立禽行幸則給飛人旗凡諸衛儀仗以御史泣其度掌武庫器仗則兵部長官泣其脩完京官五品以上征行者假甲纛旗幡稍諸衛給弓千牛給甲

刑部尚書一人正三品侍郎一人正四品下掌律令刑灋徒隸按覆讞禁之政其屬有四一曰刑部二曰都官三曰

比部四曰司門刑部郎中員外郎掌律灋按覆大理及天下奏讞為尚書侍郎之貳凡刑灋之書有四一曰律二曰令三曰格四曰式凡鞫大獄以尚書侍郎與御史中丞大理卿為三司使凡國有大赦集囚徒於闕下以聽刑部主事四人都官主事二人比部主事四人司門主事二人龍

二年改刑部曰司刑都官曰司僕比部曰司計司門曰司關光宅元年改刑部曰秋官天寶十一載改刑部曰司憲比部曰司計有刑部令史十九人書令史三十八人亭長六人掌固十人都官令史九人書令史十二人掌固四人比部令史十四人書令史二十七人計史一人掌固四人司門令史六人書令史十三人掌固四人

都官郎中員外郎各一人掌俘隸簿錄給衣糧醫藥而理其訴免凡反逆相坐沒其家配官曹長役為官奴婢一免

者一歲三番役再免為雜戶亦曰官戶二歲五番役每番皆一月三免為良人六十以上及廢疾者為官戶七十為良人每歲孟春上其籍自黃口以上印臂仲冬送其都官條其生息而按比之樂工獸醫騙馬調馬群頭裁接之人皆取焉附貫州縣者按比如平民不番上歲督丁資為錢一千五百丁婢中男五輸其一侍丁殘疾半輸凡居作者差以三等四歲以上為小十一以上為中二十以上為丁丁奴三當二役中奴丁婢二當一役中婢二當一役

比部郎中員外郎各一人掌句會內外賦斂經費俸祿公廨勲賜贖贖徒役課程逋欠之物及軍資械噐和糴屯收

所入京師倉庫三月一比諸司諸使京都四時句會於尚書省以後季句前季諸州則歲終總句焉

司門郎中員外郎各一人掌門關出入之籍及闌遺之物凡著籍月一易之流內記官爵姓名流外記年齒貌狀非遷鮮不除凡有名者降墨敕勘銅魚木契然後入監門校尉巡日送平安凡奏事遣官送之書題時刻夜題更籌命婦諸親朝參者內侍監校尉涖索凡葦輦車不入宮門闌遺之物揭於門外榜以物色某年沒官天下關二十六有上中下之差度者本司給過所出塞踰月者給行牒獵于所過給長籍三月一易蕃客往來閱其裝重入一關者餘

關不譏

工部尚書一人正三品侍郎一人正四品下掌山澤屯田工匠諸司公解紙筆墨之事其屬有四一曰工部二曰屯田三曰虞部四曰水部工部郎中員外郎各一人掌城池土木之工役程式爲尚書侍郎之貳凡京都營繕皆下少府將作共其用役千功者先奏凡工匠以州縣爲團五人爲火五火置長一人四月至七月爲長功二月三月八月九月爲中功十月至正月爲短功顧者日爲絹二尺內中尚巧匠無作則納資凡津梁道路治以九月工部主事三人屯田主事二人虞部主事二人水部主事二人

武德三年改起

部曰工部龍朔二年曰司平屯田曰司田虞部曰司虞水
部曰司川光宅元年改虞部曰冬官天寶十一載改虞部
曰司虞水部曰司水工部有令史十二人書令史二十一
人計史一人亭長六人掌固八人屯田令史七人書令史
十二人計史一人掌固四人虞部令史四人書令史九
人掌固四人水部令史四人書令史九人掌固四人
屯田郎中員外郎各一人掌天下屯田及京文武職田諸
司公解田以品給焉

虞部郎中員外郎各一人掌京都衢闕苑囿山澤草木及
百官蕃客時疏薪炭供頓畋獵之事每歲春以戶小兒戶
婢仗內蒔種漑灌冬則謹其蒙覆凡郊祠神壇五岳名山
樵採芻牧皆有禁距墻三十步外得耕種春夏不伐木京
兆河南府三百里內正月五月九月禁弋獵山澤有寶可

供用者以聞

水部郎中員外郎各一人掌津濟船艫渠梁堤堰溝洫漁
捕運漕碾磑之事凡坑陷井穴皆有標京畿有渠長斗門
長諸州堤堰刺史縣令以時檢行而泄其決築有埭則以
下戶分牽禁爭利者

百官志第三十六

百官志第三十七

唐書四十七

歐陽脩奉勅撰

門下省侍中二人正二品掌出納帝命相禮儀凡國家之
務與中書令參總而顓判省事下之通上其制有六一曰
奏鈔以度支國用授六品以下官斷流以下罪及除免官
用之二曰奏彈三曰露布四曰議五曰表六曰狀白露布
以上乃審其餘覆奏書制可而授尚書省行幸則負寶以
從版奏中嚴外辨還官則請降輅解嚴皇帝齋則請就齋
室將奠則奉玉幣盥則奉匱取盤酌壘水贊洗酌泛齊受
虛爵進福酒皆左右其儀饗宗廟進瓚而贊酌鬱酒既裸

贊酌醴齊籍田則奉耒四夷朝見則承詔勞問臨軒命使冊皇后皇太子則承詔降宣命慰問聘名則涖封題發驛遣使則給魚符凡官爵廢置刑政損益授之史官既書復涖其記注職事官六品以下進擬則審其稱否而進退之武德元年改侍內曰納言三年曰侍中龍朔二年改門下省曰東臺侍中曰左相武后光宅元年曰納言垂拱元年改門下省曰鸞臺開元元年曰黃門省侍中曰監天寶元年曰左相

門下侍郎二人正三品掌貳侍中之職大祭祀則從盥則

奉巾既悅奠巾奏匏爵贊獻元日冬至奏天下祥瑞侍中

闕則涖封符券給傳驛龍朔二年改黃門侍郎曰東臺侍郎武后垂拱元年曰鸞臺侍郎天

寶元年曰門下侍郎乾元元年曰黃門侍郎大曆二年復舊

左散騎常侍二人正三品下掌規諷過失侍從顧問

隋散

常侍貞觀元年復置十七年下為職事官顯慶二年分左右隸門下中書省皆金蟬珥貂左散騎與侍中為左貂右散騎與中書令為右貂謂之八貂龍朔二年曰侍極

左諫議大夫四人正四品下掌諫諭得失侍從贊相武后

垂拱二年有魚保宗者上書請置匭以受四方之書乃鑄

銅匭四塗以方色列于朝堂青匭曰延恩在東告養人勸

農之事者投之丹匭曰招諫在南論時政得失者投之白

匭曰伸冤在西陳抑屈者投之黑匭曰通玄在北告天文

祕謀者投之以諫議大夫補闕拾遺一人充使知匭事御

史中丞侍御史一人為理匭使其後同為一匭天寶九載

玄宗以匭聲近鬼改理匭使為獻納使至德元年復舊寶
應元年命中書門下擇正直清白官一人知匭以給事中
中書舍人為理匭使建中二年以御史中丞為理匭使諫
議大夫一人為知匭使投匭者使先驗副本開成三年知
匭使李中敏以為非所以廣聰明而慮幽枉也乃奏罷
驗副封武德元年置諫議大夫龍朔二年給事中四人正
五品上掌侍左右分判省事察弘文館繕寫讎校之課凡
百司奏抄侍中既審則駁正違失詔敕不使者塗竄而奏
還謂之塗歸季終奏駁正之目凡大事覆奏小事署而頒
之三司詳決失中則裁其輕重發驛遣使則與侍郎審其

事宜六品以下奏擬則校功狀殿最行藝非其人則白侍
中而更焉與御史中書舍人聽天下冤滯而申理之門下
省有錄事四人從七品上王事四人從八品下有令史二
人書
令史四十三人甲庫令史
長六人掌固十四人脩
領令史三人贊者六人武
三年改給事即日給事

左補闕六人從七品上左拾遺六人從八品上掌供奉諷
諫大事廷議小則上封事武右垂拱元年置補
拾遺左右各二員
起居郎二人從六品上掌錄天子起居法度天子御正殿
則郎居左舍人居右有命俯陛以聽退而書之季終以授
史官貞觀初以給事中諫議大夫兼知起居注或知起居

事每仗下議政事起居部一人執筆記錄于前史官隨之
其後復置起居舍人分侍左右秉筆隨宰相入殿若仗在
紫宸內閣則夾香案分立殿下直第二螭首和墨濡筆皆
即坳處時號螭頭高宗臨朝不決事有所奏唯辭見而已
許敬宗李義府為相奏請多畏人之知也命起居郎舍人
對仗承旨仗下與百官皆出不復聞機務矣長壽中宰相
姚壽建議仗下後宰相一人錄軍國政要為時政紀月送
史館然率推美讓善事非其實未幾亦罷而起居郎猶因
制敕稍稍筆削以廣國史之闕起居舍人本記言之職唯
編詔書不及它事開元初復詔脩史官非供奉者皆隨仗

而入位於起居郎舍人之次及李林甫專權又廢大和九
年詔入閣日起居郎舍人具紙筆立螭頭下復貞觀故事

有令史三人贊者六人貞觀三年置起居郎
廢舍人龍朔二年曰左史天授元年亦如之

典儀二人從九品下掌贊唱及殿中版位之次侍中版奏
中嚴外辦亦贊焉

隋謁者臺有典儀武德
五年復置隸門下省

城門郎四人從六品上掌京城皇城宮殿諸門開闔之節
奉管鑰而出納之開則先外後內闔則先內後外啓閉有
時不以時則詣閣覆奏

有令史二人書令史二人武德五
年置門僕八百人番上送管鑰

符寶郎四人從六品上掌天子八寶及國之符節有事則
請於內既事則奉而藏之大朝會則奉寶進于御座行幸

則奉以從焉大事出符則藏其左而班其右以合中外之契兼以敕書小事則降符函封使合而行之凡命將遣使皆請旌節旌以顯賞節以顯殺有令史二人書令史三人主寶二人主符四人主節

四人武后延載九年改符璽郎曰符寶郎開元元年亦曰符寶郎

弘文館學士掌詳正圖籍教授生徒朝廷制度沿革禮儀

輕重皆參議焉武德四年置修文館于門下省九年改曰弘文館貞觀元年詔京官職事五品已上

于嗜書者二十四人隸館習書出禁中書法以授之其後又置講經博士儀鳳中置詳正學士校理圖籍武德後五

品以上曰學士六品以上曰直學士又有文學直館皆它官領之武后垂拱後以宰相兼領館務號館上給事中一

人判館事神龍元年改弘文館曰昭文館以避孝敬皇帝之名二年曰脩文館景龍二年置大學士四人以象四時

學士八人以象八節直學士十二人以象十二時景雲中減其員數復為昭文館開元七年曰弘文館置校書郎又

有校理讎校錯誤等官長慶三年與詳正學士講經博士皆罷類以五品以上曰學士六品以下曰直學士未登朝為直館

校書郎二人從九品上掌校理典籍刊正錯謬凡學生教

授考試如國子之制有學生二十八人今史二人楷書十

三人筆匠三人熟紙裝潢匠八人亭長二人掌固二人

中書省中書令二人正二品掌佐天子執大政而總判省

事凡王言之制有七一曰冊書立皇后皇太子封諸王臨

軒冊命則用之二曰制書大賞罰赦宥慮囚大除授則用

之三曰慰勞制書褒勉贊勞則用之四曰發敕廢置州縣

增減官吏發兵除免官爵授六品以上官則用之五曰敕

百官奏請施行則用之六曰論事敕書戒約臣下則用之七曰敕牒隨事承制不易於舊則用之皆宣署申覆然後行焉大祭祀則相禮貌征纂嚴則戒飭百官臨軒冊命則讀冊若命於朝則宣授而已冊太子則授璽綬凡制詔文章獻納以授記事之官

武德三年改內書省曰中書省內書省曰中書令龍朔元年改

中書省曰西臺中書令曰右相光宅元年改中書省曰鳳閣中書令曰內史開元元年改中書省曰紫微省中書令曰紫微令大寶元年曰右相至大曆五年紫微侍郎乃復為中書侍郎

侍郎二人正三品掌貳令之職朝廷大政參議焉臨軒冊命為使則持冊書授之四夷來朝則受其表疏而奏之贊幣則受以付有司舍人六人正五品上掌侍進奏

表章凡詔旨制敕璽書冊命皆起草進畫既下則署行其禁有四一曰漏洩二曰稽緩三曰違失四曰忘誤制敕既行有誤則奏改之大朝會諸方起居則受其表狀大捷祥瑞百寮表賀亦如之冊命大臣則使持節讀冊命將帥有功及大賓客則勞問與給事中及御史三司鞠冤滯百司奏議考課皆預裁焉以久次者一人為閣老判本省雜事又一人知制誥顯進畫給食于政事堂其餘分署制敕以六員分押尚書六曹佐宰相判案同署乃奏唯樞密遷授不預姚崇為紫微令奏大事舍人為商量狀與本狀皆下紫微令判二狀之是否然後乃奏開元初以它官掌詔敕

策命謂之兼知制誥肅宗即位又以它官知中書舍人事
兵興急於權便政去臺閣決遣顯出宰相自是舍人不復
押六曹之奏會昌末宰相李德裕建議臺閣常務州縣奏
請復以舍人平處可否先是知制誥率用前行正郎宣宗
時選尚書郎爲之主畫四人從七品上主事四人從八品
下有令史二十三人書令史五十人能書四人蕃書譯語
十人乘驛二十人傳制十人亭長十八人掌固二十四
人裝制救匠一人脩補制救匠
五十人掌函掌案各二十人
右散騎常侍二人右諫議大夫四人右補闕六人右拾遺
六人掌如門下省
起居舍人二人從六品上掌脩記言之史錄制誥德音如

記事之制季終以授國史

有楷書手四人
人典二人

通事舍人十六人從六品上掌朝見引納殿庭通奏凡近
臣入侍文武就列則導其進退而贊其拜起出入之節蠻
夷納貢皆受而進之軍出則受命勞遣既行則每月存問
將士之家視其疾苦凱還則郊迓
有令史十人典謁十人
亭長十八人掌固二十人
四人武德四年廢謁者臺
改通事謁者曰通事舍人

集賢殿書院學士直學士侍讀學士脩撰官掌刊緝經籍
凡圖書遺逸賢才隱滯則承旨以求之謀慮可施於時著
述可行於世者考其學術以聞凡承旨撰集文章校理經
籍月終則進課於內歲終則考最於外
開元五年乾元殿
寫四部書置乾元

院使有判正官四人以一人判事押院中使一人掌出入
宣奏領中官監守院門知書官八人分掌四庫書六年乾
元院更號麗正脩書院置使及檢校官改脩書官為麗正
殿直學士八年加文學直又加脩撰校理刑正校勘官十一
年置麗正院脩書學士完順門外亦置書院十二年東都
明福門外亦置麗正書院十三年改麗正脩書院為集賢
殿書院五品以上為學士六品以下為直學士宰相一人
為學士知院事常侍一人為副知院事又置判院一人押
院中使一人玄宗嘗選耆儒日一人侍讀以質史籍疑義
至是置集賢院侍講學士侍讀直學士其後又增修撰官
校理官待制官留院官知檢討官文學直之員募能書者
為書直及寫御書人其後亦以前資常選三衛散官五品
以上子孫為之又置畫直至十九年以書直畫直楊書有
官者為直院至德二年置大學士貞元初置編錄官四年
罷大學士八年罷校理置校書四人正字二人元和二年
復置集賢校理罷校書正字四年集賢御書院學士直學
士皆用五品如開元故事以學士一人年高者判院事非
登朝官者為校理餘皆罷初太宗即位命京官五品以上
更宿中書門下兩省以備訪問永徽中命弘文館學士一
人日待制于武德殿西門文明元年詔京官五品以上清

官日一人待制于章善明福門先天未又命朝集使六品
以上二人隨仗待制永泰時勳臣罷節制無職事皆待制
于集賢門凡十三人崔祐甫為相建議文官一品
以上更直待制其後著令正衙待制官日二人

校書四人正九品上正字二人從九品上
有中使一人孔
目官一人專知

御書檢討八人知書官八人書直寫御書手九十人畫
直六人裝書直十四人造筆直四人榻書六人典四人

史館脩撰四人掌脩國史
貞觀三年置史館於門下省以
它官兼領或卑位有才者亦以

直館稱以宰相治脩撰又於中書省置祕書內省脩五代
史開元二十年李林甫以宰相監脩國史建議以為中書
切密之地史官記事謀門下省疏遠於是諫議大夫史館
脩撰尹愔奏徙于中書省天寶後它官兼史職者日史館
脩撰初入為直館元和六年宰相裴均建議登朝官領史
職者為脩撰以官高一判館事未登朝官皆為直館大
中八年廢史館直館二員增脩撰四人分掌四季有令史
二人楷書十二人寫國史楷書十八人楷書手二十五人
典書二人亭長二人掌
固四人熟紙匠六人
萬曆十六年

秘書省監一人從三品少監二人從四品上丞一人從五

品上監掌經籍圖書之事領著作局少監為之貳武德四年改少

令曰少監龍朔二年改秘書省曰蘭臺監曰太史少監曰

侍郎丞曰大夫秘書郎曰蘭臺郎武后垂拱元年秘書省

曰麟臺太極元年曰秘書省有典書四人楷書十人令史

四人書令史九人亭長六人掌固八人熟紙匠十人裝潢

匠十人筆匠六人

秘書郎三人從六品上掌四部圖籍以甲乙丙丁為部皆

有三本一曰正二曰副三曰貯凡課寫功程皆分判

校書郎十人正九品上正字四人正九品下掌讎校典籍

刊正文章○著作局郎二人從五品上著作佐郎二人從六

品上校書郎二人正九品上正字二人正九品下著作郎

掌撰碑誌祝文祭文與佐郎分判局事

武德四年改著作曹曰局龍朔二年

曰司文局郎曰郎中佐郎曰司文郎有楷書五人書令史一人書吏二人掌固四人

司天臺監一人正三品少監二人正四品上丞一人正六

品上主簿二人正七品上主事一人正八品下監掌察天

文稽曆數凡日月星辰風雲氣色之異率其屬而占有通

玄院以藝學召至京師者居之凡天文圖書器物非其任

不得與焉每季錄祥眚送門下中書省紀于起居注歲終

上送史館歲頒曆于天下

武德四年改太史監曰太史局隸秘書省七年廢監候龍朔二

年改太史局曰秘書閣局令曰秘書閣郎中武后光宅元

年改太史局曰渾天監不隸麟臺俄改曰渾儀監置副監及丞主簿改司辰師曰司辰長安二年渾儀監復曰太史局廢副監及丞隸麟臺如故改天文博士曰靈臺郎曆博

士曰保章正景龍二年改太史局曰太史監不隸祕書省復置丞景雲元年又為局隸祕書省踰月為監歲中復為局二年改曰渾儀監開元二年復曰太史監改令為監置少監十四年太史監復為局以監為令而廢少監天寶元年太史局復為監自是不隸祕書省乾元元年曰司天臺藝術人韓穎劉烜建議改令為監置通玄院及主簿置五官監候及五官禮生十五人掌布諸壇神位五官楷書手五人掌寫御書有令史五人天文觀生九十人天文生五十人曆生五十五人初有天文博士二人正八品下曆博士一人從八品上司辰師五人正九品下裝書曆生掌候天文掌教習天文氣色掌寫御曆後皆省

春官夏官秋官冬官中官正各一人正五品上副正各一人正六品上掌司四時各司其方之變異冠加一星珠以應五緯衣從其方色元日冬至朔望朝會及大禮各奏方事而服以朝見乾元二年置五官正及副正

五官保章正二人從七品上五官監候三人正八品下五官司曆二人從八品上掌曆法及測景分至表準

五官靈臺郎各一人正七品下掌候天文之變五官挈壺正二人正八品上五官司晨八人正九品上漏刻博士六

人從九品下掌知漏刻凡孔壺為漏浮箭為刻以考中星昏明更以擊鼓為節點以擊鐘為節武后長安二年置挈壺正乾元元年與靈

臺郎保章正司曆司辰皆加五官之名有漏刻生四十人典鐘典鼓二百五十人初有刻漏視品刻漏典事掌知刻漏檢校刻漏後皆省

殿中省監一人從三品少監二人從四品上丞二人從五品上監掌天子服御之事其屬有六局曰尚食尚藥尚衣

尚乘尚舍尚輦少監為之貳凡聽朝率屬執繖扇列于左
右大朝會祭祀則進爵行幸則侍奉仗內驂乘百司皆納
印而藏之大事聽焉有行從百司之印左右仗殿左曰奔
星右曰內駒兩仗內又有六殿一曰左飛二曰右飛三曰
左萬四曰右萬五曰東南內六曰西南內園囿有官馬坊
每歲河隴群牧進其良者以供御六閑馬以殿中監及尚
乘主之武后萬歲通天元年置仗內六閑一曰飛龍二曰
祥麟三曰鳳苑四曰鵠鸞五曰吉良六曰六羣亦號六殿
以殿中丞檢校仗內閑殿以中官為內飛龍使聖曆中置
閑殿使以殿中監承恩遇者為之分領殿中太僕之事而

專掌輿輦牛馬自是宴游供奉殿中監皆不豫開元初

殿馬至萬餘匹駱駝巨象皆養焉以駝馬隸閑殿而尚乘

局名存而已閑殿使押五坊以供時狩一曰鷓坊二曰鶻

坊三曰鷄坊四曰鷹坊五曰狗坊侍御尚醫二人正六品

上主事二人從九品上武德元年改殿內監曰殿中省龍
朔二年曰中御府監曰大監丞曰

大夫有令史四人書令史十一人左右仗千牛各十
人掌固亭長各八人舊有天藏府開元二十二年省

進馬五人正七品上掌大陳設戎服執鞭居立仗馬之左

視馬進退天寶八載罷南衙立仗馬因省進馬十
二載復置乾元後又省大曆十四年復

尚食局奉御二人正五品下直長五人正七品上諸奉御

直長品皆如之食醬八人正九品下奉御長儲供直長為

之貳進御必辨時禁先嘗之饗百官賓客則與光祿視品
秩而供凡諸陵月享視膳乃獻龍朔二年改尚食局曰奉膳局諸局奉御皆曰大夫

有書令史二人書吏五人主食十
六人主膳八百四十人掌固八人

尚藥局奉御二人直長二人掌和御藥診視凡藥供御中

書門下長官及諸衛上將軍各一人與監奉御泣之藥成

醫佐以上先嘗疏木方具歲月日泣者署奏餌日奉御先

嘗殿中監次之皇太子又次之然後進御太常每季閱送

上藥而還其朽腐者左右羽林軍給藥飛騎萬騎病者頒

焉龍朔二年改尚藥局曰奉醫局有按摩師四人况禁師
四人書令史二人書吏四人直官十人主藥十二人藥

童三十人合口筋
匠二人掌固四人

侍御醫四人從六品上掌供奉診候

司醫五人正八品下醫佐十人正九品下掌分療眾疾皆
觀中

置

尚衣局奉御二人直長四人掌供冕服几案祭祀則奉鎮

圭於監而進于天子大朝會設案龍朔二年改尚衣局曰
奉冕局有書令史三人

書吏四人主衣十
六人掌固四人

尚舍局奉御二人直長六人掌殿庭祭祀張設湯沐燈燭

汛掃行幸則設三部帳幕有古帳大帳次帳小次帳小帳

凡五等各三部其外則蔽以排城大朝會設黼衣施躡席

薰鑪朔望設幄而已龍朔二年改尚舍局曰奉衣局有書
令史三人書吏七人掌固十人

八十八人舊有給使百二十人掌供御湯沐燈燭雜使貞觀中省

尚乘局奉御二人直長十人掌內外閑廢之馬左右六閑

一曰飛黃二曰吉良三曰龍媒四曰駒駝五曰馱驥六曰

天苑凡外牧歲進良馬印以三花飛鳳之字飛龍殿日以

八馬列宮門之外號南衙立仗馬仗下乃退大陳設則居

樂縣之北與象相次龍朔二年改尚乘局曰奉駕局有書令史六人書吏十四人直官二十人

習馭五百人掌閑五千人典事五人獸醫七十人掌固四

人習馭掌調六閑之馬掌閑掌飼六閑之馬治其乘具書

司廩司庫高宗置習馭獸醫司廩司庫高宗置習馭獸醫

人正九品下掌飼習御馬

尚輦局奉御二人直長三人尚輦二人正九品下掌輿

繖扇大朝會則陳于庭大祭祀則陳于廟皆繖二翰一扇

一百五十有六既事而藏之堂朝則去扇左右留者三龍朔

二年改尚輦局曰奉輦局有書令史二人書吏四人七輦主輦各六人掌扇六十八人掌翰三十人掌輦四十二人奉

舉十五人掌固六人掌扇掌翰掌執繖扇紙筆硯雜供奉之事掌輦掌率主輦以供其事高宗置掌翰

內侍省監二人從三品少監二人內侍四人皆從四品上

監掌內侍奉宣制令其屬六局曰掖庭宮闈奚官內僕內

府內坊少監內侍為之貳皇后親蠶則升壇執儀大駕出

入為夾引武德四年改長秋監曰內侍監內承奉曰內常侍內承直曰內給事龍朔二年改監為省武后

垂拱元年曰司宮臺天寶十三年置內侍監改內侍曰少監尋更置內侍有高品一千六百九十六人品官白身二

嘉靖十年刊 唐志三十七 十三

千九百三十二人令史
八人書令史十六人

內常侍六人正五品下通判省事

內給事十人從五品下掌承旨勞問分判省事凡元日冬

至百官賀皇后則出入宣傳宮人衣服費用則具品秩計

其多少春秋宣送于中書主事二人從九品下

內謁者監十人正六品下掌儀法宣奏承敕令及外命婦

名帳凡諸親命婦朝會者籍甘藪數上內侍省命婦下車則

道守至朝堂奏聞唐廢內謁者局 置內典引十八人掌諸親命婦朝參出入導引有內亭長六人掌固

八人

內謁者十二人從八品下掌送親命婦朝集班位分泣諸

門內寺伯六人正七品下掌糾察宮內不法歲儺則登出

入

寺人六人從七品下掌白皇后出入執御刀冗從掖庭局令

二人從七品下丞三人從八品下掌宮人簿帳女工凡宮

人名籍司其除附公桑桑食蠶會其課業供奉物皆取焉婦

人以罪配沒工縫巧者隸之無技能者隸司農諸司營作

須女功者取於戶有書令史四人書吏八人計史二人

宮教博士二人從九品下掌教習宮人書算衆藝初內文

中書省以儒學者一人在內學士掌教宮人武后如意元年

改曰習藝館又改曰萬內教坊尋復舊有內教博士十

八人經學五人史子集文三人楷書二人莊老太一篆

書律令吟詠飛白書并並各一人開元末館廢以內教博

士以下隸內侍
中官為之

監作四人從九品下掌監無涖雜作典工役

宮闈局令二人從七品下丞二人從八品下掌侍宮闈出

入管齋凡享太廟皇后出主出入則帥其屬與之總小給

使學生之籍給以糧粟有書令史三人書吏六人內閣史

常負小給使學生五十二人掌固四人凡無官品者號曰內

給使掌諸門進物之曆也
掌扇掌中
宮織扇

奚官局令二人正八品下丞二人正九品下掌奚隸工役

宮官之品宮人病則供醫藥死給衣服各視其品陪陵而

葬者將作給匠戶衛士燃冢三品葬給百人四品八十八人

五品六十人六品七品十人八品九品七人無品者斂以

松棺五釘葬以犢車給三人皆監門校尉直長涖之內命

婦五品以上無親戚者以近冢同姓中男一人主祭于墓

無同姓者春秋祠以少牢有書令史二人書吏六人
典事藥童掌固各四人

內僕局令二人正八品下丞二人正九品下掌中宮車乘

皇后出則令居左丞居右夾引有書令史二人書吏四人
駕士百四十人典事八人

掌固八人駕士掌
習御車輿雜畜

內府局令二人正八品下丞二人正九品下掌中藏寶貨

給納之數及供燈燭湯沐張設凡朝會五品已上及有功

將士蕃酋辭還皆賜於庭有書令史二人書吏典史
掌固各四人典事六人

太子內坊局令二人從五品下丞二人從七品下掌東宮

閣內及宮人糧粟坊事五人從八品下初內坊隸東宮開元二十七年隸內

侍省為局改典內曰令置丞坊事及導客舍人六人掌序

導賓客閣帥六人掌帥閣人內給使以供其事內閣人八

人掌承諸門出入管籥內織扇燈燭內殿尉二人掌車乘

有錄事一人令史三人書令史五人典事二人駕士三十

人亭長掌固各二人

典直四人正九品下掌宮內儀式導引通傳勞問糾劾非

違察出納。內官貴妃惠妃麗如華妃各一人正一品掌佐

皇后論婦禮於內無所不統唐因隋制有貴妃淑妃德妃

賢妃各一人為夫人正一品

昭儀昭容昭媛脩儀修容修媛克儀克容克媛各一人為

九嬪正二品婕妤九人正三品美人四人正四品才人五

人正五品寶林二十七人正六品御女二十七人正七品

采女二十七人正八品六尚亦曰諸尚書正三品二十四

司亦曰諸司事正四品二十四典亦曰諸典事正六品二

十四掌亦曰諸掌事龍朔二年置贊德二人正一品宣

四人正二品承閨五人正四品承旨五人正五品衛仙六

人正六品供奉八人正七品侍櫛二十人正八品侍巾三

十人正九品咸亨復舊開元中玄宗以后妃四星一為后

有后而復置四妃非典法乃置惠妃麗妃華妃以代三夫

人又置六儀美人才人增尚宮尚儀尚服三局

諸司諸典自六品至九品而止其後復置貴妃

淑儀德儀賢儀順儀婉儀芳儀各一人正二品掌教九御

四德率其屬以贊后禮

美人四人正三品掌率女官修祭祀賓客之事才人七人

正四品掌敘燕寢理絲枲以獻歲功官官尚宮局尚宮二

人正五品六尚皆如之掌藻引中宮總司記司言司簿司

闡凡六尚事物出納文籍言泄其印署有女史六人掌執文書

闡凡六尚事物出納文籍言泄其印署有女史六人掌執文書

司記一人正六品二十四司皆如之掌宮內文簿入出錄
為抄目審付行焉牒狀無違然後加印典記佐之

典記一人正七品二十四典皆如之

掌記一人正八品二十四掌皆如之

司言典言各二人掌承敕宣付別鈔以授司閤傳外

掌言一人掌宣傳外司附奏受事者奏聞承敕處分則錄

所奏為案記有女史四人

司簿典簿掌簿各一人掌女史以上名簿稟賜則品別條

錄為等有女史六人

司闈六人掌諸閤管鑰

典闈掌闈各六人掌分泣啓閉有女史四人

尚儀局尚儀二人掌禮儀起居總司籍司樂司賓司贊○

司籍典籍掌籍各二人掌供御經籍分四部部別為目以

時暴涼教學則簿記課業供奉几案紙筆皆預侍焉有女史十人

司樂典樂掌樂各四人掌宮縣及諸樂陳布之儀泣其闕

習有女史二人

司賓典賓掌賓各二人掌賓客朝見受名以聞宴會則具

品數以授尚食有賜物與尚功泣給有女史二人

司贊典贊掌贊各二人掌賓客朝見宴食贊相導引會日

引客立于殿庭司言宣敕坐然後引即席酒至起再拜食至亦起皆相其儀

形史二人正六品有女史二人

尚服局尚服二人掌供服用采章之數總司寶司衣司飾

司仗

司寶二人掌神寶受命寶六寶及符契皆識其行用記以

文簿

典寶掌寶各二人凡出付皆旬別案記還則朱書注入有女史四人

司衣典衣掌衣各二人掌宮內御服首飾整比以時進奉

司飾典飾掌飾各二人掌湯沐巾櫛凡供進識其寒溫之

節有女史二人

司仗典仗掌仗各二人掌仗衛之器凡立儀衛尚服率司

仗等供其事有女史二人

尚食局尚食二人掌供膳羞品齊總司膳司醞司藥司饌

凡進食先嘗

司膳二人掌烹煎及品羞米麩薪炭凡供奉口味皆種別

封印

典膳掌膳各四人掌調和御食溫涼寒熱以時供進則嘗

萬曆二十六年刊

七

之有女史四人

司醞典醞掌醞各二人掌酒醴酏飲以時進御有女史二人

司藥典藥掌藥各一人掌醫方凡藥外進者簿案種別有女史二人

史二人

司饎典饎掌饎各二人掌給宮人餼食薪炭皆有等級受

付則旬別案記有女史四人

尚寢局尚寢二人掌燕見進御之次叙總司設司輿司苑

司燈

司設典設掌設各一人掌牀帷茵席鋪設久故者以狀聞

凡汛掃之事典設以下分視有女史四人

司輿典輿掌輿各二人掌輿輦織扇文物羽旄以時暴涼

典輿以下分察有女史二人

司苑典苑掌苑各二人掌園苑蒔植蔬果典苑以下分察

之果熟進御有女史二人

司燈典燈掌燈各二人掌門閤燈燭晝漏盡一刻典燈以

下分察有女史二人

尚功局尚功二人掌女功之程總司製司珍司綵司計

司製典製掌製各二人掌供御衣服裁縫有女史二人

司珍典珍掌珍各二人掌珠珍錢貨有女史六人

司綵典綵掌綵各二人掌錦綵縑帛絲枲有賜用則旬別

案記

有女史二人

司計典計掌計各二人給衣服飲食薪炭

有女史二人

宮正一人正五品司正二人正六品典正二人正七品宮

正掌戒令糾禁謫罰之事宮人不供職者司正以牒取裁

小事決罰大事奏聞

有女史四人阿
監副監視七品

太子內官良娣二人正三品良媛六人正四品承徽十人

正五品昭訓十六人正七品奉儀二十四人正九品

司閤二人從六品五司皆如之掌導引妃及宮人名簿總

掌正掌書掌筵

掌正三人從八品九掌皆如之掌文書出入管鑰糾察推

罰

有女史
三人

掌書三人掌符契經籍宣傳啓奏教學稟賜紙筆

有女史
三人

掌筵三人掌幄帟牀褥几案輿繖汛掃鋪設

司則二人掌禮儀參見總掌嚴掌縫掌藏

掌嚴三人掌首飾衣服巾櫛膏沐服玩仗衛

有女史
三人

掌縫三人掌裁紉織績

有女史
三人

掌藏三人掌財貨珠寶縑絲

司饌二人掌進食先嘗總掌食掌醫掌園

有女史
四人

掌食三人掌膳羞酒醴燈燭薪炭器皿

有女史
四人

掌醫二人掌方藥優樂

有女史
二人

掌園二人掌種植蔬果有女史二人

百官志第三十八

百官志第三十八 品以下 唐書四十八

歐陽修奉勅撰

御史臺大夫一人正三品中丞三人正四品下大夫掌以刑灋典章糾正百官之罪惡中丞為之貳其屬為三院一曰臺院侍御史隸焉二曰殿院殿中侍御史隸焉三曰臺院監察御史隸焉凡寃而無告者三司詔之三司侍御史大夫中書門下也大事奏裁小事專達凡有彈劾御史以白大夫大事以方幅小事署後而已有制覆四則與刑部尚書平閱行幸乘輅車為道朝會則率其屬正百官之班序遲明列於兩觀監察御史二人押班侍御史顯舉不如

掌園二人掌種植蔬果有女史二人

百官志第三十七

百官志第三十八

唐書四十八

歐陽修奉勅撰

御史臺大夫一人正三品中丞三人正四品下大夫掌以刑灋典章糾正百官之罪惡中丞為之貳其屬為三院一曰臺院侍御史隸焉二曰殿院殿中侍御史隸焉三曰臺院監察御史隸焉凡寃而無告者三司詒之三司侍御史大夫中書門下也大事奏裁小事專達凡有彈劾御史以白大夫大事以方幅小事署後而已有制覆四則與刑部尚書平閱行幸乘輅車為道朝會則率其屬正百官之班序遲明列於兩觀監察御史二人押班侍御史顯舉不如

廣治十六年刊

法者文武官職事九品以上及三王後朝朔望文官五品以上及
兩省供奉官監察御史員外郎太常博士日參號常參官
武官三品以上三日朝號九參官吾以上及折衝當番者五日
一朝號六參官弘文崇文館國子監學生四時參凡諸王
入廟及以恩追至者日參九品以上自十月至二月袴褶
以朝五品以上有珂蕃官及四品非清官則否凡朝位以
官職事同者先爵爵同以齒致仕官居上職事與散官勳
官合班則文散官居職事之下武散官次之勳官又次之
官同者異姓爲後親王嗣王任文武官者從其班官卑者
從王品郡王任三品以下職事者居官階品之上非任文

武官者嗣王居太子太保之下郡王次之
下郡公居從三品之下縣公居四品之下侯居從四品之下
下伯居五品之下子居從五品之上男居從五品之下以
前官召見者居本品見任之上以理解者居同品之下本
司參集者以職事爲上下文武三品非職事官者朝參名
簿皆稱曰諸公凡出不踰四面關則不辭見都督刺史都
護既辭候旨於側門左右僕射侍中中書令初拜以表讓
中書門下五品以上及諸司長官謝於正衙復進狀謝於
側門兩班三品以朝望朝就食廊下殿中侍御史二人爲
使泣之高宗以治書侍御史中丞以避帝名龍朔二年改
御史臺曰憲臺大夫曰大司憲中丞曰司憲大夫

武后文明元年改御史臺曰肅政臺光宅元年分左右臺
左臺知百司監軍旅右臺察州縣省風俗尋命左臺兼察
州縣兩臺處再使八人春曰風俗秋曰廉察以四十八
條察州縣兩臺御史有假有檢校有員外有試至神龍初
皆廢景雲三年以兩臺望齊糾舉苛察百僚厭其煩乃廢
右臺延和元年復置歲中以尚書省隸左臺月餘而右臺
復廢至德後諸道使府參佐皆以御史為之謂之外臺復
有檢校震行內供奉或兼或攝諸使下官亦如之會昌初
升大夫中丞品東都留臺有中丞一人侍御史一人殿中
侍御史二人監察御史三人元和後不置中丞以侍御史
殿中侍御史監察御史主留
臺務而三院御史亦不常備

侍御史六人從六品下掌糾舉百寮及入閣承詔知推彈
雜事凡三司理事與給事中中書舍人更直朝堂若三司
所按而非其長官則與刑部郎中員外郎大理司直評事
生訊彈劾則大夫中丞押奏大事法冠朱衣纁裳白紗中

單小事常服久次者一人知雜事謂之雜端殿中監察職
掌進名遷改及令史考第臺內事顛決亦號臺端次一人
知公解次一人知彈分京城諸司及諸州為東西次一人
知西推贖贖三司受事號副端次一人知東推理甄等有
不糾舉者罰之以殿中侍御史第一人同知東推蒞太倉
出納第一人同知西推蒞左藏出納號四推御史隻日臺
院受事雙日殿院受事次侍御史一人分司東都臺凡御
史以下遇長官於路去戴下馬長官斂轡止之出入行止
殿中以下視以為法先後有罰入朝則與殿中侍御史隨
仗分入東則居侍中黃門侍郎給事中之次西則居中書

唐書百官志三十八
三
令侍郎舍人之次各居中丞大夫下每一人東嚮承認詔五日有旨召御史不呼名則承認者出樂彥瑋爲大夫以嘗召兩御史乃加副承認一人闕則殿中丞之監察御史分日直朝堂入自側門非奏事不至殿庭正門無籍天授中詔側門置籍得至殿庭門元七年又詔隨仗入閣分左右巡糾察遺失左巡知京城內右巡知京城外盡雍洛二州之境月一代將晦即巡刑部大理東西徒坊金吾縣獄蒐狩則藍圍察斷絕失禽者其後以殿中掌左右巡尋以務劇選用京畿縣尉又置御史裏行使侍御史裏行使殿中裏行使監察裏行使以未爲正官無員數唐法殿中侍郎

史遷拜及職事與侍御史鈞開元以降權屬侍御史而殿中兼知庫藏宮門內事故事御史臺不受訟有訴可聞者略其姓名託以風聞其後御史嫉惡者少通狀壅絕十四年乃定授事御史一人知其日劾狀題告事人姓名其後宰相以御史權重建議彈奏先白中丞大夫復通狀中書門下然後得奏自是御史之任輕矣建中元年以侍御史分掌公廨推彈自是雜端之任輕矣元和八年命四推御史受事周而復始罷東西分日之限

隋未廢殿內侍御史義寧元年丞相府置

察掾掾二人武德元年改曰殿中侍御史龍朔元年置監察御史裏行武后文明元年置殿中裏行後亦顯以裏行名官長安二年置內供奉

主簿一人從七品下掌印受事發辰覈臺務主公解及戶

奴婢勲散官之職錄事二人從九品下

有主事二人臺院有令史七十八人

書令史二十五人亭長六人掌固十二人殿院有令史八人書令史十八人察院有計吏三十四人令史十人掌固

十二人

殿中侍御史九人從七品下掌殿庭供奉之儀京畿諸州兵皆隸焉正班列於閤門之外糾離班語不肅者元日冬至朝會則乘馬具服戴黑豸升殿巡幸則往來門旗之內檢校文物虧失者一人同知東推監太倉出納二人同知西推監左藏出納二人為廊下食使二人分知左右巡三人內供奉

監察御史十五人正八品下掌分察百寮巡按州縣獄訟軍戎祭祀營作太府出納皆莅焉知朝堂左右廂及百司綱目凡十道巡按以判官二人為佐務繁則有支使其一察官人善惡其二察戶口流散籍帳隱沒賦役不均其三察農桑不勤倉庫減耗其四察妖猾盜賊不事生業為私蠹害其五察德行孝悌茂才異等藏器晦跡應時用者其六察黠吏豪宗兼并縱暴貧弱冤苦不能自申者凡戰伐大克獲則數俘馘審功賞然後奏之屯田鑄錢嶺南黔府選補亦視功過糾察決囚徒則與中書舍人金吾將軍莅之國忌齋則與殿中侍御史分察寺觀莅宴射習射及大

祠中祠視不如儀者以聞初開元中兼巡傳驛至二十五年以監察御史檢校兩京館驛大曆十四年兩京以御史一人知館驛號館驛使監察御史分察尚書省六司繇下第一人爲始出使亦然興元元年以第一人察吏部禮部兼監察使第二人察兵部工部兼館驛使第三人察戶部刑部歲終議殿最元和中以新人不出使無以觀能否乃命顯察尚書省號曰六察官開元十九年以監察御史二人莅太倉左藏庫二院御史皆初領繁劇外府推事其後以殿中侍御史上一人爲監太倉使第二人爲監左藏庫使凡諸使下三院御史內供奉其班居正臺監察御史之

上

太常寺卿一人正三品少卿二人正四品上掌禮樂郊廟社稷之事摠郊社大樂鼓吹太醫太卜廩犧諸祠廟等署少卿爲之貳凡大禮則贊引有司攝事則爲亞獻三公行園陵則爲副大祭祀省牲器則謁者爲之導小祀及公卿嘉禮命謁者贊相凡巡幸出師克獲皆擇日告太廟凡藏大享之器服有四院一曰天府院藏瑞應及伐國所獲之寶帑裕則陳于廟庭二曰御衣院藏天子祭服三曰樂懸院藏六樂之器四曰神厨院藏御廩及諸器官奴婢

初有衣冠署令正八品上貞觀元年署廢高宗即位改治禮部曰奉禮郎以避帝名龍朔二年改太常寺曰奉常寺凡寺卿皆

曰正卿少卿曰大夫武后光
元年復改太常寺曰司常寺

丞二人從五品下掌判寺事凡享太廟則脩七祀于西門
之內主簿二人從七品上

博士四人從七品上掌辨五禮按王公三品以上功過善
惡為之謚大禮則贊卿導引大祝六人正九品上掌出內

神主祭祀則跪讀祝文卿省牲則循牲告克牽以授太官
奉禮卿二人從九品上掌君臣版位以奉朝會祭祀之禮

宗廟則設皇帝位於庭九廟子孫列焉昭穆異位去爵從
齒凡樽彝勺簠篚坩簠登鉶邊豆皆辨其位凡祭祀朝

會在位拜跪之節皆贊導之公卿巡行諸陵則主其威儀

鼓吹而相其禮

協律郎二人正八品上掌和律呂錄事二人從九品上入

寺錄事品同

有禮院脩撰檢討官各一人府十二人史二十三人謁者十人贊引二十人贊者四人祝

史六人贊者十六人太常寺禮院禮生各三十五人亭長八人掌固十二人

兩京郊社署令各一人從七品下丞各一人從八品上令

掌五郊社稷明堂之位與奉禮郎設樽壘篚纂而太官令

實之立燎壇積柴合朔有變則巡察四門以俟變過明則

能有府二人史四人典事五人掌固五人門僕八人齋郎百一十人齋郎掌供郊廟之役太廟九室室有長二人

以主樽壘篚纂鑪鑪又有鼎洗二人郊壇有掌座二十四人以主神御之物皆禮部奏補凡室長十年掌座十二年

皆授官祭饗而員少兼取二三館學生皆絳衣絳幘更一番者戶部下蠲符歲一中考諸署所擇者太常以十月申解

萬曆十六年

皇書志三十八

七

於禮部如貢舉法帖論語及一大經中第者錄奏吏部注
各集散官否者番上如初六試而補授散官唐初以郊社
太樂鼓吹太醫太官左藏乘黃典廐典客上林太倉平準
常平典牧左尚右尚爲上署鈎盾右藏織染掌冶爲中署
珍羞良醞掌醞守宮武器車府司儀崇玄導官甄官河渠
弩坊甲坊舟楫太卜廩犧中校左校右校爲下署

太樂署令二人從七品下丞一人從八品下樂正八人從
九品下令掌調鐘律以供祭饗凡習樂立師以教而歲考
其師之課業爲三等以上禮部十年大校未成則五年而
校以番上下有故及不任供奉則輸資錢以充伎衣樂器
之用散樂閏月人出資錢百六十長上者復繇役音聲人
納資者歲錢二千博士教之功多者爲上第功少者爲中
第不勤者爲下第禮部覆之十五年有五上考七中考者

授散官直本司年滿考少者不叙教長上弟子四考難色
二人次難色二人業成者進考得難曲五十以上任供奉
者爲業成習難色大部伎三年而成次部二年而成易色
小部伎一年而成皆入等第三爲業成業成行脩謹者爲
助教博士缺以次補之長上及別教未得十曲給資三之
一不成者隸鼓吹署習大小橫吹難色四番而成易色三
番而成不成者博士有謫內教博士及弟子長教者給資
錢而留之武德後置內教坊于禁中武后如意元年改曰
雲韶府以中官爲使開元二年又置內教坊于蓬萊宮側
有音聲博士第一曹博士第二曹博士上京都置左右教坊

掌俳優雜技自是不隸太常以中官為教坊使改唐太樂為樂正有

府三人史六人典事八人掌固六人文武二舞郎一百四十人散樂三百八十一人仗內散樂一千人音聲人一萬二千七十七人有別教院開成三年改法曲所處院曰仙韶院

鼓吹署令二人從七品下丞二人從八品下樂正四人從

九品下令掌鼓吹之節合朔有變則帥工人設五鼓于太

社執麾旒于四門之塾置龍牀有變則舉麾擊鼓變復而

止馬射設擗鼓金鈺施龍牀大儺帥鼓角以助振于之唱

有府三人史六人典事四人掌固四人唐并清商鼓吹為一署增令一人

太醫署令二人從七品下丞二人醫監四人並從八品下

醫正八人從九品下令掌醫療之法其屬有四一曰醫師

二曰針師三曰按摩師四曰呪禁師皆教以博士考試

用如國子監醫師醫正醫工療病書其全之多少為考課

歲給藥以防民疾凡陵寢廟皆儲以藥尚藥太常醫各一

人受之宮人患方有藥庫監門葑出給醫師醫監醫正番

別一人葑坊凡課藥之州置採藥師一人京師以良田為

園庶人十六以上為藥園生業成者為師凡藥辨其所出

擇其良者進焉有府二人史四人主藥八人藥童二十四人藥園師二人藥園生八人掌固四人醫

師二十人醫工百人醫士四十人典藥一人針工二十人針生二十人按摩工五十六人按摩生十五人呪禁師二

人呪禁工八人呪禁生十人

醫博士一人正八品上助教一人從九品上掌教授諸生

以本草甲乙脉經分而爲業一曰體療二曰瘡腫三曰少
小四曰耳目口齒五曰角法

針博士一人從八品上助教一人針師十人並從九品下
掌教針生以經脉孔穴教如醫生

按摩博士一人按摩師四人並從九品下掌教導引之法
以除疾損傷折跌者正之

呪禁博士一人從九品下掌教呪禁祓除爲厲者齋戒以
受焉

太卜署令一人從七品下丞二人從八品下卜正博士各
二人從九品下掌卜筮之法一曰龜二曰五兆三曰易四

日式祭祀大事率卜正卜日示高於卿退而命龜既灼而
占先上旬次中旬次下旬小祀小事者則卜正示高命龜
作而太卜令佐蒞之季冬帥侑子堂贈太儺天子六隊太
子二隊方相氏右執戈左執楯而導之唱十二神名以逐

惡鬼儺者出磔雄雞于宮門滅門

有卜助教二人卜師二十
人巫師十五人卜筮生四

十五人府一人史
二人掌固二人

廩犧署令一人從八品下丞二人正九品下掌犧牲粢盛
之事祀用太牢者三牲加酒醢醢與太祝牽牲就榜位卿
省牲則北向告牘以授太官籍田則供耒于司農卿卿以
授侍中籍田所收以供粢盛五齊三酒之用以餘及橐飼

犧牲有府一人史二人典事二人掌固二人

汾祠署令一人從七品下丞一人從八品上掌享祭灑掃

之制有府二人史四人廟幹二人開元二十一年置署

三皇五帝以前帝王三皇五帝周文王周武王漢高祖兩

京武成王廟令一人從六品下丞一人正八品下掌開闔

灑掃釋奠之禮有錄事一人府二人史四人廟幹一人掌固四人門僕八人神龍二年兩京置齊太

公廟署其後廢開元十九年復置天寶三載初置周文王

廟署六載置周武王漢高祖廟署上元元年改齊太公署為武成王廟署朱全忠曰武明

光祿寺卿一人從三品少卿二人從四品上丞二人從六

品上主簿一人從七品上掌酒醴膳羞之政總大官珍羞

良醞掌醢四署凡祭祀省牲鑊濯漑三公攝祭則為敘

朝會享則節其等差錄事二人龍朔二年改光祿寺曰司牢寺武后光宅元年曰司

膳寺有府十一人史二十一人亭長六人掌固六人

太官署令二人從七品下丞四人從八品下掌供祠宴朝

會膳食祭日令白卿詣廚省牲鑊取明水明火帥宰人割

牲取毛血實豆遂烹又實簠簋設于饌幕之內有府四人史八人監

膳十人監膳史十五人供膳二千四百人掌固四人

珍羞署令一人正八品下丞二人正九品下掌供祭祀朝

會賓客之庶羞榛栗脯脩魚鹽菱芡之名數武后垂拱元年改有藏署

曰珍羞署神龍元年復舊開元元年又改有府三人史六人典書八人錫匠五人掌固四人

良醞署令二人正八品下丞二人正九品下掌供五齊三

酒享太廟則供鬱鬯以實六彝進御則供春暴秋清醑醪

桑落之酒有府三人史六人監事二人掌醞二十人酒匠十三人奉解百二十人掌固二人

掌醞署令一人正八品下丞二人正九品下掌供醞醢之

物一曰鹿醢二曰兔醢三曰羊醢四曰魚醢宗廟用菹以

實豆賓客百官用醢醬以和羹有府二人史二人主醢十人醬匠二十三人酢匠十

二人鼓匠十二人菹醢匠八人掌固四人衛尉寺卿一人從三品少卿二人從四品上丞二人從六

品上掌器械文物總武庫武器守宮三署兵器入者皆籍

其名數祭祀朝會則供羽儀節鉞金鼓帷帟茵席凡供官

衛者歲再閱有敝則備於少府主簿二人從七品上錄事

一人龍朔二年改曰司衛寺武后元宅元年又改有府六人史十一人寺長四人掌固六人

丞掌判寺事辨器械出納之數大事承制勅小事則聽於尚書省

兩京武庫署令各二人從六品下丞各二人從八品下掌

藏兵械有赦建金雞置鼓宮城門之右大理及府縣囚徒

至則擊之監事各一人正九品上諸署監事品同

有府各六人史各六人典事各二人掌固各五人開元二十五年東都亦置署武器署令一人正八品下丞二人正九品下掌外戎器祭

祀巡幸則納於武庫給六品以上葬鹵簿祭載凡戟廟柱

宮殿之門二十有四東宮之門一十八一品之門十六二

品及京兆河南太原尹大都督大都護之門十四三品及上都督中都督上都護上州之門十二下都督下都護中州下州之門各十衣幘壞者五歲一易之薨卒者既葬追

還監事二人有府二人史六人典事二人掌固四人貞觀中東都亦置署

守宮署令一人正八品下丞二人正九品下掌供帳帟祭

祀巡幸則設王公百官之位吏部兵部禮部試貢舉人則

供帷幕王公婚禮亦供帳具京諸司長上官以品給其牀

屬供蕃客帷帟則題歲月席壽二年氈壽五年褥壽七年

不及期而壞有罰監事二人有府二人史四人掌設六人幕士八十人掌固四人

宗正寺卿一人從三品少卿二人從四品上丞二人從六

品上掌天子族親屬籍以別昭穆領陵臺崇玄二署凡親

有五等先定於司封一曰皇帝周親皇后父母視三品二

曰皇帝大功親小功等屬太皇太后皇后皇后周親視

四品三曰皇帝小功親總麻尊屬太皇太后皇后皇后

大功親視三品四曰皇帝總麻親袒免尊屬太皇太后皇

太后皇后小功親五曰皇帝袒免親太皇太后皇后小功

皇太后皇后總麻親視六品皇帝親之夫婦男女降本親

二等餘親降三等尊屬進一等降而過五等者不為親諸

王大長公主長公主親本品嗣王郡王非三等親者亦視

五品駙馬都尉視諸親祭祀冊命朝會陪位襲封者皆以

簿書上司封主簿二人從七品上知圖譜官一人修玉牒

官一人知宗子表疏官一人錄事二人武德二年置宗師一人後省龍朔一

年改宗正寺曰司宗寺武后光宅元年曰司屬寺有府五人史五人亭長四人掌固四人京都太廟齋郎各一百三十人門僕各二十三

人主簿錄事各二人

諸陵臺令各一人從五品上丞各一人從七品下建初啓

運興寧永康陵令各一人從七品下丞各一人從八品下

掌守衛山陵凡陪葬以文武分左右子孫從父祖者亦如

之宮人陪葬則陵戶成墳諸陵四至有封禁民葬唯故墳

不毀開元二十四年以宗廟所奉不可名以署太常少卿

漢陽王徽為宗正卿恩遇甚厚建議以宗正司屬籍乃請以陵寢宗廟隸宗正天寶十二載駙馬都尉張垆為太常

卿得幸又以太廟諸陵署隸太常下載改獻昭乾定橋五陵署為臺升令品永康興寧二陵

以陵廟隸宗正求泰元年太常卿羊又慶初復奏以陵廟隸

太常大曆二年復舊陵臺有錄事文一入府各二人史各

四人主衣主輦主藥各四人典事各三人掌固各二人陵

戶各三百人昭陵乾陵橋陵增百人諸陵有錄事各一人

府各一人史各二人陵戶各百人

諸太子廟令各一人從八品上丞各一人正九品下錄事

各一人令掌灑掃開闔之節四時享祭焉有府各一人史

二人掌固諸太子陵令各一人從八品下丞各一人從九品下錄事

各一人有府各一人史各二人典事各二人掌固各一人

下丞二人從七品下丞二人從七品

崇玄署令一人正八品下丞一人正九品下掌京都諸親
名數與道士帳籍齋醮之事新羅日本僧入朝學問九年
不還者編諸籍道士女冠僧尼見天子必拜凡止民家不
過三夜出踰宿者立案連署不過七日路遠者州縣給程
天下觀一千六百八十七道士七百七十六女冠九百八
十八寺五千三百五十八僧七萬五千五百二十四尼五
萬五百七十六兩京度僧尼道士女冠御史一人泣之每
三歲州縣為籍一以留縣一以留州僧尼一以上祠部道
士女冠一以上宗正一以上司封有府二人史三人典事
六人掌固二人崇玄學
博士一人學生百人隋以置隸鴻臚寺又有道場玄壇唐置
諸寺觀監隸鴻臚寺每寺觀有監一人貞觀中廢寺觀監

上元二年置太學監開元二十五年置崇玄學於太
元皇帝廟天寶元年兩京置博士助教各一負學生百人
每祠享以學生一代齋即二載改崇玄學曰崇賢館博士曰
學士助教曰直學士置大學士一人以宰相為之領兩京
玄元宮及道院改天下崇玄學為通道學博士曰道德博
士未幾而罷實應未泰間學生存者亡幾大曆三年復增
至百人初天下僧尼道士女冠皆隸鴻臚寺武后延載元
年以僧尼隸祠部開元二十四年道士女冠隸宗正寺天
寶二載以道士隸司封貞元四年崇玄館罷太學士後復
置左右街大功德使東都功德使脩功德使總僧尼之籍
及功役元和二年以道士女冠隸左右街功德使會昌二
年以僧尼隸主客太清宮置玄元館亦有學士至六年廢
而僧尼復隸兩街功德使

太僕寺卿二人從三品少卿二人從四品上丞四人從六
品上主簿二人從七品上錄事三人卿掌廐牧養輿之政
總乘黃典廐典牧車府四署及諸監牧行幸供五路屬車

凡監牧籍帳歲受而會之上武后光宅元年改曰司僕寺有府十七人史三十四人獸醫博士四人學生百人寺長四人掌固六人部以議考課寺曰司事寺

乘黃署令一人從七品下丞一人從八品下掌供車路及

馴馭之法凡有事前期四十日率駕士調習尚乘隨路色

供馬前期二十日調習於內侍省有府一人史二人駕士

十四人掌固六人

典廐署令二人從七品下丞四人從八品下掌飼馬牛給

養雜畜良馬一丁中馬二丁駕馬三丁乳駒乳犢十給一

有府四人史八人主乘六人典事八人執馭百人駕士八百人掌固六人

典牧署令三人正八品上丞六人從九品上掌諸牧雜畜

給納及酥酪脯腊之事群牧所送羊犢以供廩犧尚食監

事八人有府四人史八人典事十六人主酪七十四人駕上百六十八人掌固四人

車府署令一人正八品下丞一人正九品下掌王公以下

車路及馴馭之法從官二品以上婚葬給駕士凡路車之

馬牛率馭士調習有府一人史二人典書四人馭士百七十五人掌固六人

諸牧監上牧監監各一人從五品下副監各二人正六品

下丞各二人正八品上主簿各一人正九品下中牧監監

正六品下副監從六品下丞從八品上主簿從九品上下

牧監監從六品下副監正七品下丞正九品上主簿從九

品下中牧監副監丞減上牧監一員南使西使丞各三人

從七品下錄事各一人從九品下北使鹽州使丞各二人
從七品下掌群牧孳課凡馬五千為上監三千為中監不
及為下監馬牛之群有牧長有尉馬之駕良皆著籍良馬
稱左駑馬稱右每歲孟秋群牧使以諸監之籍合為一以
仲秋上於寺送細馬則有牽夫識馬小兒獸醫等凡馬游
牝以三月駒犢在牧者三歲別群孳生過分有賞死耗亦
以率除之歲終監牧使巡按以功過相除為考課有錄事
各一人府各三人史各六人典事各八人掌固各四人中
牧監減府一人史典事各減二人下牧監典事掌固減二
人南使西使錄事史各一人府各五人史各九人北使監
州使錄事以下員數及品如南使麟德中置八使分總監
芳秦蘭原渭四州及河曲之地凡監四十有八南使有監
十五西使有監十六北使有監七鹽州使有監八嵐州使

有監二自京師西屬隴右有七馬坊置隴右三使領之又
有沙苑樓煩天馬監沙苑監掌畜隴右諸牧牛羊給宴祭
及尚食所用每歲與典牧署供焉自監以下
下品數如下牧監至開元二十三年廢監

東宮九牧監丞二人正八品上錄事一人從九品下掌牧

養馬牛以供皇太子之用有錄事史各一人府三人史六
人初監有監副監丞主簿錄事

各一人府二人史四人典事四人掌固二人自
監以下品同下牧監又有馬牧使有丞以下官

大理寺卿一人從三品少卿二人從五品下掌折獄詳刑

凡罪抵流死皆上刑部覆於中書門下繫者五日一慮龍
朔

二年改曰詳刑寺武后光宅元年改曰司刑寺中宗時廢
獄丞有府二十八人史五十六人司直史十二人評事史

二十四人獄史六人亭長四
人掌固十八人問事百人

正二人從五品下掌議獄正科條凡丞斷罪不當則以法

正之五品以上論者在決巡幸則留總持寺事

丞六人從六品上掌分判寺事正刑之輕重徒以上囚則呼與家屬告罪問其服否

主簿二人從七品上掌印省署鈔目句檢稽失凡官吏抵罪及雪免皆立簿私罪贖銅一斤公罪二斤皆爲一負十負爲一殿每歲吏部兵部牒覆選人殿負錄報焉

獄丞二人從九品下掌率獄史知囚徒貴賤男女異獄五品以上月一沐暑則置漿禁紙筆金刃錢物杵挺入者囚病給醫藥重者脫械鎖家人入侍

司直六人從六品上評事八人從八品下掌出使推按凡承制推訊長吏當停務禁錮者請魚書以往錄事二人

鴻臚寺卿一人從三品少卿二人從四品上丞一人從六品上掌賓客及凶儀之事領典客司儀二署凡四夷君長以蕃望高下爲簿朝見辨其等位第二等居武官三品之下第四等居五品之下第五等居六品之下有官者居本班御史察食料二王後夷狄君長襲官爵者辨嫡庶諸蕃封命則受冊而往海外諸蕃朝賀進貢使有下從留其半於境繇海路朝者廣州則首領一人左右二人入朝所獻之物先上其數於鴻臚凡客還鴻臚籍衣齋賜物多少以報主客給過所蕃客奏事具至日月及所奏之宜方別爲

狀月一奏為簿以副藏鴻臚獻馬則殿中太僕寺涖閱良者入殿中驚病入太僕獻藥者鴻臚寺驗覆少府監定價之高下鷹鷂狗豹無估則鴻臚定所報輕重凡獻物皆客執以見駝馬則陳于朝堂不足進者州縣留之皇帝皇太子為五服親及大臣發哀臨弔則卿贊相大臣一品葬以卿護二品以少卿三品以丞皆司儀示以禮制主簿一人從七品上錄事二人龍朔二年改鴻臚寺曰同文寺武后光宅元年改曰司賓寺有府五人史十人亭長四人掌固六人

典客署令一人從七品下丞三人從八品下掌二王後介公鄴公之版籍及四夷歸化在藩者朝賀宴享送迎皆預

焉酋渠首領朝見者給稟食病則遣醫給湯藥喪則給以

所須還蕃賜物則佐其受領教拜謝之節有典客十三人府四人史八人

掌固二人

掌客十五人正九品上掌送迎蕃客額在館舍司儀署令

一人正八品下丞一人正九品下掌凶禮喪葬之具京官

職事三品以上散官二品以上祖父母父母喪職事散官

五品以上都督刺史卒于京師及五品死王事者將葬祭

以少牢率齋郎執俎豆以往三品以上贈以束帛黑一纁

二一品加乘馬既引遣使贈於東門之外皆有束帛一品

加璧五品以上葬給棺槨有司儀六人府二人史四人掌

國四人
士六十八人

司農寺卿一人從三品少卿二人從四品上掌倉儲委積之事總上林太倉鈎盾導官四署及諸倉司竹諸湯宮苑鹽池諸屯等監凡京都百司官吏祿稟朝會祭祀所須皆供焉藉田則進耒耜

丞六人從六品上總判寺事凡租及藁秸至京都者閱而納焉官戶奴婢有技能者配諸司婦人入掖庭以類相偶行宮監牧及賜王公公主皆取之凡孳生雞彘以戶奴婢課養俾口則配輕使始至給粟食主簿二人從七品上錄事二人魏朔二年改司農寺曰司稼寺有府三十八人史七十六人計史三人序長九人掌固七人

上林署令二人從七品下丞四人從八品下掌苑園池植果蔬以供朝會祭祀及尚食諸司常料季冬藏冰千段先立春三日納之冰井以黑牡秬黍祭司寒仲春啓冰亦如之監事十人有府七人史十四人典事二十四人掌固五人

太倉署令三人從七品下丞五人從八品下監事八人掌廩藏之事有府十人史二十人典事二十四人掌固八人

鈎盾署令二人正八品上丞四人正九品上監事十人掌供薪炭鵝鴨蒲蘭陂池藪澤之物以給祭祀朝會饗燕賓客有府七人史十四人典事十九人掌固五人

導丞署令二人正八品下丞四人正九品上監事十人掌

導擇米麥凡九穀皆隨精麤差其耗損而供焉有府八人史十六人

典事二十四人掌固五人初有御細倉督麵麩倉督貞觀中省

太原永豐龍門等倉每倉監一人正七品下丞二人從八

品上掌倉廩儲積凡出納帳籍歲終上寺有錄事一人府三人史六人典

事八人掌固六人龍門等倉減府一人史典事掌固各減一人

司竹監一人從六品下副監一人正七品下丞二人正八

品上掌植竹葦供宮中百司簾篚之屬歲以筍供尚食有錄

事一人府二人史四人典事三十人掌固四人葦園匠一百人

慶善石門溫泉湯等監每監監一人從六品下丞一人正

七品下掌湯池宮禁防堰及待粟芻脩調度以備供奉王

公以下湯館視貴賤為差凡近湯所潤瓜蔬先時而熟者

以薦陵廟有錄事一人府一人史二人掌固四人

京都諸宮苑總監監各一人從五品下副監各一人從六

品下丞各二人從七品下主簿各二人從九品上掌苑內

官館園池禽魚果木凡官屬人畜出入皆有籍有錄事各二人府各

八人史各十六人亭長各四人掌固各六人獸醫各五人

京都諸園苑監苑四面監監各一人從六品下副監各一

人從七品下丞各二人正八品下掌完葺苑面官館園池

與種蒔蕃養六畜之事顯慶二年改青城宮監曰東都苑北面監明德宮監曰東都苑南面

監洛陽宮農圃監曰東都苑東面監倉貨監曰東都苑西面監有錄事各一人

監有錄事各一人

固各
六人

九成宮總監監一人從五品下副監一人從六品下丞一

人從七品下主簿一人從九品上掌脩完宮苑供進鍊餅

之事有錄事一人府三人自監以下品同宮苑

諸鹽池監監一人正七品下堂鹽功簿帳有錄事一人史二人

諸屯監一人從七品下丞一人從八品下掌營種屯田句

會功課及畜產簿帳以水旱蠲蝗定課屯主勸率營農督

歛地課有錄事一人府一人史二人典事二人掌固四人

每屯主一人屯副一人主簿一人錄事一人府三人史五人

太府寺卿一人從三品少卿二人從四品上掌財貨廩

貿易總京都四市左右歲常平七署凡四方貢賦百官俸

秩謹其出納賦物任土所出定精麤之差祭祀幣帛皆供

焉龍朔二年改太府寺曰外府寺武后光宅元年改曰司

府寺中宗即位復曰太府寺有府二十五人史五十人計史四人亭長七人掌固七人

丞四人從六品上掌判寺事凡光日冬至以方物陳于庭

者受而進之會賜及別勅六品以下賜者給於朝堂以一

人主左右藏署帳凡在署為簿在寺為帳三月一報金部

主簿二人從七品上掌印省鈔目句檢稽失平權衡度量

歲以八月印署然後用之錄事二人

兩京諸市署令一人從六品上丞二人正八品上掌財貨

交易度量器物辨其真偽輕重市肆皆建標築土為候禁
權固及參市自殖者凡市日中擊鼓三百以會衆日入前
七刻擊鈺三百而散有果毅巡迴平貨物為三等之直十
日為簿車駕行幸則立市于頓側互市有衛士五十人以
察非常有錄事一人府三人史七人典事三人掌固一人

左藏署令三人從七品下丞五人從八品下監事八人掌

錢帛雜綵天下賦調卿及御史監閱有府九人史十八人典事十三人掌固八人

右藏署令二人正八品上丞三人正九品上監事四人掌

金玉珠寶銅鐵骨角齒毛綵畫有府五人史十二人典事七人掌固十人

常平署令一人從七品上丞二人從八品下監事五人掌

平糶倉儲出納有府四人史八人典事五人掌固六人顯慶三年置署武后特東郊亦置署

國子監祭酒一人從三品司業二人從四品下掌儒學訓

導之政總國子大學廣文四門律書算凡七學天子視學

皇太子齒胄則講義釋奠執經論議奏京文武七品以上

觀禮凡授經以周易尚書周禮儀禮禮記毛詩春秋左氏

傳公羊傳穀梁傳各為一經兼習孝經論語老子歲終考

學官訓導多少為殿最

丞一人從六品下掌判監事每歲七學生業成司業祭

酒莅試登第者上於禮部

主簿一人從七品下掌印句督監事七學生不率教者舉而免之錄事一人從九品下武德初以國子監曰國子學隸太常寺貞觀二年復曰監

龍朔二年改國子監曰司成館祭酒曰大司成司業曰少司成咸亨元年復曰監垂拱元年改國子監曰成均監有府七人史十三人亭長六人掌固八人

國子監博士五人正五品上掌教三品以上及國公子孫

從二品以上曾孫為生者五分其經以為業周禮儀禮禮

記毛詩春秋左氏傳各六十人暇則習隸書國語說文字

林三倉爾雅每歲通兩經求仕者上於監秀才進士亦如

之學生以長幼為序習正業之外教吉凶二禮公私有事

則相儀龍朔二年改博士曰宣業有大成十人學生八十一人典學曰人廟幹二人掌固四人東都學生十五人

助教五人從六品上掌佐博士分經教授

直講四人掌佐博士助教以經術講授

五經博士各二人正五品上掌以其經之學教國子周易

尚書毛詩左氏春秋禮記為五經論語孝經爾雅不立學

官附中經而已

太學博士六人正六品上助教六人從七品上掌教五品

以上及郡縣公子孫從三品曾孫為生者五分其經以為

業每經百人有學生七十人典學四人掌固六人東都學生十五人

廣文館博士四人助教二人掌領國子學生業進士者有

生六十人東都十人天寶九載置廣文館有知進士助教後罷知進士之各

萬曆十六年

四門館博士六人正七品上助教六人從八品上直講四人掌教七品以上侯伯子男子為生及庶人子為俊士生者有學生三百人典學四人掌固六人東都學生五十人

律學博士三人從八品下助教一人從九品下掌教八品

以下及庶人子為生者街令為顯業兼習格式法例隋律大理寺博士八人武德初隸國子監尋廢貞觀六年復置顯慶二年又廢以博士以下隸大理寺龍朔二年復置有學生二十人典學二人元和初東都置學生五人

書學博士二人從九品下助教一人掌教八品以下及庶

人子為生者石經說文字林為顯業兼習餘書武德初廢書學貞觀

二年復置顯慶三年又廢以博士以下隸秘書省龍朔二年復置有學生十人典學二人東都學生三人

又于為生者二分其經以為業九章海島孫子五曹張丘

建夏侯陽周髀五經筭綴術緝古為顯業兼習記遺三等

數凡六學束脩之禮督課試舉皆如國子學助教以下所

掌亦如之唐廢書學顯慶元年復置三年又廢以博士以下隸太史局龍朔二年復有學生十人典學二人東都學生二人

少府監一人從三品少監二人從四品下掌百工技巧之

政總中尚左尚右尚織染掌冶五署及諸冶鑄錢互市等

監供天子器御后妃服飾及郊廟圭玉百官儀物凡武庫

袍襦皆識其輕重乃藏之冬至元日以給衛士諸州市牛

皮角以饋用牧畜角筋腦革悉輸焉鈿鏤之工教以四年

車路樂器之工三年平漫刃利之工二年矣鑲竹漆屋柳
之工半焉冠冕弁幘之工九月教作者傳家技四季以令
丞試之歲終以監試之皆物勒工名

丞六人從六品下掌判監事給五署所須金石齒革羽毛
竹木所入之物各以名數州土為籍工役衆寡難易有等

差而均其勞逸主簿二人從七品下錄事二人從九品上

武德初廢監以諸署隸太府寺貞觀元年復置龍朔二年
改曰內府監武后垂拱元年曰尚方監有府二十七人

十七人計吏三人亭長八人掌固六人短書匠五十二人
九人織錦坊巧兒三百六十五人內作使錢匠八十三人

人排庭殿匠百五十人內作見四十二人
人配京都諸司諸使雜匠二十五人

中尚署令一人從七品下丞二人從八品下掌供郊祀圭

璧及天子器玩后妃服飾彫文細絲之制凡金木齒革

毛任土以時而供赦日樹金雞公仗南竿長七丈有雞高

四尺黃金飾首銜絳幡長七尺承以綵盤羅以絳繩將作

監供焉擊柝鼓千聲集百官父老囚徒坊小兒得雞首者

官以錢購或取絳幡而已歲二月獻牙尺寒食獻毬五月

獻綬帶夏至獻雷車七月獻鈿針臘日獻口脂唯筆琴瑟

絃月獻金銀暨紙非旨不獻製魚袋以給百官蕃客賜寶

鈿帶魚袋則授鴻臚寺丞主簿監作四人從九品下凡監

作皆同品有府九人史十八人典事四人掌固四人唐
內尚方署曰中尚方署武后改少府監曰尚方

監而中左右尚方織染方掌冶方五署皆
去方以避監自是不改矣有金銀作坊院

左尚署令一人從七品下丞五人從八品下掌供翟扇蓋

織五路五副七輦十二車及皇太后皇太子公主王妃內

外命婦王公之車路凡畫素刻鏤與宮中蠟炬雜作皆領

之監作六人有府七人史二十人典事十八人掌固十四人

右尚署令二人從七品下丞四人從八品下掌供十二閑

馬之轡每歲取於京兆河南府加飾乃進凡五品三部之

帳刀劔斧鉞甲冑絨筆茵席履舄皆擬其用皮毛之工亦

領馬監作六人有府七人史二十人典事十三人掌固十人

織染署令一人正八品上丞二人正九品上掌供冠冕組

綬及織紅色染錦羅紗縠綾紬純絹布皆廣尺有八十四

丈為疋布五丈為端綿六兩為屯絲五兩為鈎麻二斤為

緞凡綾錦文織禁示於外高品一人專莅之歲奏用度及

所織每掖庭經錦則給酒羊七月七日祭杼監作六人有府

六人史十四人典事十一人掌固五人

掌冶署令一人正八品上丞二人正九品上掌范鎔金銀

銅鐵及塗飾琉璃玉作銅鐵人得採而官收以稅唯鑱官

市邊州不置鐵冶器用所須皆官供凡諸冶成器上數于

少府監然後給之監作二人有府六人史十二人典事二十三人掌固四人

諸冶監令各一人正七品下丞各一人從八品上掌鑄兵

農之器給軍士屯田居民唯興農冶顯供隴右監牧監作

四人有錄事一人府一人史一人典事二人原治減監作二人

諸鑄錢監監各一人副監各二人丞各一人以所在都督

刺史判焉副監二佐丞以判司監事以參軍及縣尉為之

監事各一人有錄事各一人府各三人史各四人典事各五人凡鑄錢有七監會昌中增至八監每道

置鑄錢坊一大中初三監廢

互市監每監監一人從六品下丞一人正八品下掌蕃國

交易之事隋以監隸四方館唐隸少府貞觀六年改交市曰互市監副監曰丞武后垂拱元年曰通市監

有錄事一人府二人史四人價人四人掌固八人

將作監監二人從三品少監二人從四品下掌土木工匠

之政總左校右校中校甄官等署百工等監大門興慶上

陽宮中書門下六軍仗舍閑廄謂之內作郊廟城門省宇

臺監十六衛東宮王府諸廨謂之外作自十月距二月休

冶功自冬至距九月休土功凡治宮廟太常擇日以聞

丞四人從六品下掌判監事凡外營繕大事則聽制勅小

事則須省符功有長短後有輕重自四月距七月為長功

二月三月八月九月為中功自十月距正月為短功長上

匠州率資錢以酬雇軍器則勒歲月與工姓名武德初改

少令曰少匠龍朔二年改將作監曰繕工監大匠曰大監少匠曰少監咸亨元年繕工監曰營繕監天寶十一載改

大匠曰大監少匠曰少監有府十四人史二十八人計史三人亭長四人掌固六人短蕃匠一萬二千七百四十四人明資匠二百六十八人

萬曆十六年

書書書書書書

三

主簿二人從七品下掌官吏糧料俸食假使必由之諸司
供署監物有闕舉焉錄事二人從九品上

左校署令二人從八品下丞一人正九品下掌梓匠之事

樂縣篋簾兵械喪葬儀物皆供焉宮室之制自天子至士

庶有等差官脩者左校為之監作十人有府六人史十二人監作十二人

右校署令二人正八品下丞三人正九品下掌版築塗泥

丹堊匭側之事有所須則審其多少而市之監作十人有府五人史十人典事二十四人

中校署令一人從八品下丞三人正九品下掌供舟車兵

械雜器行幸陳設則供竿柱閑殿繫秣則供行槽禱祀則

供棘葛內外營作所須皆取焉監牧車牛有年支芻豆則

受之以給車坊監事四人武后時改曰營繕署垂拱元年復舊尋廢開元初復置有府二人史六人典事八人掌固二人

甄官署令一人從八品下丞二人正九品下掌琢石陶土

之事供石磬人獸碑柱碾磴瓶缶之器勅葬則供明器監

作四人有府五人史十人典事十八人

百工就谷庫谷斜谷太陰伊陽監監各一人正七品下副

監一人從七品下丞一人正八品上掌采伐材木監作四

人武德初置百工監掌舟車及營造雜作有監少監各一人丞四人主簿一人又置就谷庫谷斜谷太陰伊陽五

監貞觀中廢百工監高宗置百工署掌東都土木瓦石之

功開元十五年為監有錄事二人府一人史三人典事二

萬曆十六年

皇書皇志卷三十一

人十

軍器監監一人正四品上丞一人正七品上掌繕甲弩以

時輸武庫總署二一曰弩坊二曰甲坊主簿一人正八品

下錄事一人從九品下武德初有武器監一人正八品下掌兵仗廐牧少監一人丞二人主簿一人七年廢軍器監八年復置九年又廢貞觀六年廢

武器監開元以前軍器皆出在尚署三年置軍器監十一年復廢為甲弩坊隸少府十六年復為監有府八人史十二人亭長二人掌固四人

弩坊署令一人正八品下丞一人正九品下掌出納矛稍

弓矢排弩及鏃雜作及工匠監作二人有府二人史五人典事二人貞觀六

年改弓弩署為弩坊署甲鎧署為甲坊署

甲坊署令一人正八品下丞一人正九品下掌出納甲冑

綬繩筋角雜作及工匠監作二人有府二人史五人典事二人

都水監使者二人正五品上堂川澤津梁渠堰陂池之政

摠河渠諸津監署凡漁捕有禁漑田自遠始先稻後陸渠

長斗門長節其多少而均焉府縣以官督察

丞二人從七品上掌判監事凡京畿諸水因灌漑盜費者

有禁水入內之餘則均王公百官

主簿一人從八品下掌運漕漁捕程會而糾舉之武德初廢都水

監為署貞觀六年復為監改令曰使者龍朔二年改都水監曰司津監使者曰監武后垂拱元年改都水監曰水衡

監使者曰都尉開元二十五年不隸將作監有錄事一人府五人史十人亭長一人掌固四人初貞觀六年置舟楫署有令一人正八品下掌舟楫運漕漕正一人府三人史六人監漕一人漕史二人典事六人掌固八人上元二年

萬曆二十七年刊

書言官志三十八

三十

置丞二人正九品下掌運漕
隱失開元二十六年署廢

河渠署令一人正八品下丞一人正九品上掌河渠陂池

隄堰魚醢之事凡溝渠開塞漁捕時禁皆顯之饗宗廟則

供魚鮓祀昊天上帝有司攝事則供腥魚日供尚食及給

中書門下歲供諸司及東宮之冬藏渭河三百里內漁釣

者五坊捕治之供祠祀則自便橋至東渭橋禁民漁三元

日非供祠不採魚唐有河隄使者貞觀初改曰河隄謁者

門有長一人掌固三人魚師十二人初有監漕十人從九
品上大曆後省興成五門六門龍首涇堰滋隄凡六堰皆

有丞一人從九品下府一人史二人
典事一人掌固二人貞觀六年皆廢

河隄謁者六人正八品下掌完隄堰利溝瀆漁捕之事涇

渭白渠以京兆少尹一人督視

諸津令各一人正九品上丞二人從九品下掌天下津濟

舟梁灞橋永濟橋以勳官散官一人蒞之天津橋中橋則

以衛士拚掃凡舟渠之備皆先儼其半柳塞竹篛所在供

焉唐改津尉曰令有錄事一人府一人史二人典事三人

津吏五人橋丁各三十人匠各八人京兆河南諸津隸
都水監便橋渭橋萬年三橋有丞一人從九品下
府一人史七人典事二人掌固二人貞觀中廢

百官志第三十八

順治十六年刊

唐百官志三十八

三

李況視刊

順治己亥季

夏六日校閱

朱謨

百官志第三十九上

唐書四十九上

歐陽修奉敕撰

十六衛

左右衛上將軍各一人從二品大將軍各一人正三品將軍各二人從三品掌宮禁宿衛凡五府及外府皆總制焉凡五府三衛及折衝府驍騎番上者受其名簿而配以職皇帝御正殿則守諸門及內廂宿衛仗非上日亦將軍一人押仗將軍缺以中郎將代將軍掌貳上將軍之事左右驍衛左右武衛左右威衛左右領軍左右金吾左右監門衛上將軍以下品同

武德五年改左右翊衛曰左右衛府左右驍騎衛曰左右驍騎府左右屯

衛曰左右威衛左右禦衛曰左右領軍衛左右備身府曰左右府唯左右武衛府左右監門府左右候衛仍隋不改顯慶五年改左右府曰左右千牛府龍朔二年左右衛府驍衛府武衛府皆省府字改左右威衛曰左右武威衛左右領軍衛曰左右千牛衛咸亨元年改左右武威左右武衛曰左右鷹揚衛元二年初置十六衛上將軍左右衛有錄事一人府一人史二人亭長八人掌固四人

長史各一人從六品上掌判諸曹五府外府稟祿卒伍軍團之名數器械車馬之多少小事得專達每歲秋贊大將軍者課錄事參軍事各一人正八品上掌受諸曹及五府之外府事句稽抄目印給紙筆

倉曹參軍事各二人正八品下掌五府文官勲考假使祿

俸公解田園食料醫藥過所自倉曹以下同品

有府二人史四人兵

曹府四人史七人騎曹府二人史四人曹曹府三人史三人武后長安初改鎧曹曰曹曹中宗即位復舊先天元年又曰曹曹開元初諸衛司倉司兵騎兵參軍改曰倉曹兵曹騎曹曹參軍事

兵曹參軍事各二人掌五府武官宿衛番第受其名數而大將軍配焉

騎曹參軍事各一人掌外府雜畜簿帳牧養凡府馬承直以遠近分七番月一易之以勅出宮城者給馬

曹曹參軍事各一人掌兵械公解與繕罰謫大朝會行從則受黃質甲鎧弓矢於衛尉

奉車都尉掌馭副車有其名而無其人大陳設則它官攝
駙馬都尉無定員與奉車都尉皆從五品下司階各二人
正六品上中候各三人正七品下司戈各五人正八品下
執戟各五人正九品下長上各二十五人從九品下武后天授
二年置諸衛司階中候
司戈執戟謂之四色官

親衛之府一曰親府勳衛之府二一曰勳一府二曰勳二
府翊衛之府二一曰翊一府二曰翊二府凡五府每府中
郎將一人正四品下左右郎將一人正五品上親衛正七
品上勳衛從七品上翊衛正八品上總四千九百六十三
人兵曹參軍事各一人正九品上校尉各五人正六品上

正七品上副隊正七品上將軍領

尉旅帥親衛勳衛之屬宿衛者而總其府事左右郎將武
馬番上者以名簿上于大將軍而配以職武德貞觀世重
資蔭二品三品子補親衛二品曾孫三品孫四品子職事
官五品子若孫勳官三品以上有封及國公子補勳衛及
率府親衛四品孫五品及上社國子補翊衛及率府勳衛
勳官二品及孫男以上散官五品以上子若孫補諸衛及
率府翊衛王府執仗親事執乘親事每月番上者數千人
宿衛內廡及城門給稟食執扇三衛三百人擇少壯有膊

齊儀容整美者本衛印臂送殿中省肄習仗下每番三衛一人為大僕寺引輅其後入官路艱三衛非權勢子弟輒退番柱國子有白首不得進者流外雖鄙不數年給祿稟

故三衛益賤人罕趨之

有錄事府一人史三人唐親衛勳衛置驃騎將軍車騎將軍翊衛置車騎將軍

武德七年改驃騎將軍為中郎將軍車騎將軍皆為郎將分左右以親衛曰一府勳衛翊衛曰二府謂之三府衛諸衛翊衛及率府親勳衛亦曰三衛未徽三年避太子諱改中郎將曰旅賁郎郎將曰翊軍郎太子廢復舊

左右驍衛上將軍各一人大將軍各一人將軍各二人掌同左右衛凡翊府之翊衛外府豹騎番上者分配之凡分兵守諸門在皇城四面宮城內外則與左右衛分知助鋪長史各一人錄事參軍事各一人倉曹參軍事各二人兵

曹參軍事各二人騎曹參軍事各一人胄曹參軍事各一

人左右司階各二人左右中候各三人左右司戈各五人

左右執戟各五人左右翊中郎將各一人左郎

將各一人右郎將各一人兵曹參軍事各一人校尉各五

人旅帥各十人隊正各二十人副隊正各二十人

有錄事一人史

二人亭長一人掌固四人倉曹府二人史二人六曹府三人史五人騎曹府二人史四人胄曹府三人史三人左右

翊中郎將府錄事一人府一人史二人

左右武衛上將軍各一人大將軍各一人將軍各二人掌

同左右衛凡翊府之翊衛外府熊渠番上者分配之長史

各一人錄事參軍事各一人倉曹參軍事各二人兵曹參

軍事各二人騎曹參軍事各一人胄曹參軍事各一人左
 右司階各二人左右中候各三人左右司戈各五人左右
 執戟各五人長上各二十五人左右翊中郎將府官同驍
 騎有稱長二人錄事一人史二人亭長二人掌固四人倉
 騎曹府二人史四人兵曹府三人史五人騎曹府二人史
 四人胄曹府三人史二人
稱長掌唱警為應蹕之節

左右威衛上將軍各一人大將軍各一人將軍各二人掌
 同左右衛凡翊府之翊衛外府羽林番上者分配之凡分
 兵主守則知皇城東面助鋪長史各一人錄事參軍事各
 一人倉曹參軍事各一人兵曹參軍事各二人騎曹參軍
 事各一人胄曹參軍事各一人左右司階各二人左右中

候各三人左右司戈各五人左右執戟各五八長上各二

十五人左右翊中郎將府官同驍衛有錄事一人史二人
 亭長二人學同四人

倉曹府二人史四人兵曹府三人史五人
 騎曹府二人史四人胄曹府三人史三人

左右領軍衛上將軍各一人大將軍各一人將軍各二人

掌同左右衛凡翊府之翊衛外府射聲番上者分配之凡

分兵主守則知皇城西面助鋪及京城苑城諸門長史各

一人錄事參軍事各一人倉曹參軍事各二人兵曹參軍

事各二人騎曹參軍事各一人胄曹參軍事各一人左右

司階各二人左右中候各三人左右司戈各五人左右執

戟各五人長上各二十五人左右翊中郎將府官同驍衛

有錄事一人史二人亭長二人掌固四人舍曹府二人史
四人兵曹府三人史五人騎曹府一人史四人曹府三人

三人史

左右金五衛上將軍各一人大將軍各一人將軍各二人
掌宮中京城巡警烽候道路水草之宜凡翊府之翊衛及
外府仗飛番上皆屬焉師田則執左右營之禁南衙宿衛
官將軍以下及千牛番上者皆配以職大功役則與御史
循行凡敵幕故疆以給病坊

兵曹參軍事掌翊府外府武官兼掌獵師
騎曹參軍事掌外府雜畜簿帳牧養之事

冑曹參軍

掌同左右衛大朝會行從給青龍旗襍稍於

衛尉長史各一人錄事參事各一人舍曹參軍事各二人

人兵曹參軍事各二人騎曹參軍事各一人冑曹參軍事

各一人左右司階各二人左右中候各三人左右司戈各

五人左右執戟各五人左右街使各一人判官各二人左

右翊中郎將府官如驍衛有錄事一人史二人舍曹府二人

騎曹府二人史四人冑曹府三人史二人左右衛典二人

隋有察非
據至唐廢

左右翊中郎將府中郎將掌領府屬督京城左右六街鋪

巡警以果毅二人助巡探入問日中郎將一人升殿受狀

衛士六百為大角手六百番隨者吹大角為昏明之節諸營

壘候以進退

左右街使掌分察六街微巡凡城門坊角有武侯鋪衛士
驍騎分守大城門百人大鋪三十人小城門二十人小鋪
五人日暮鼓八百聲而門閉乙夜街使以騎卒循行置諱
武官暗探五更二點鼓自內發諸街鼓承振坊市門皆啓
鼓三千搥辨色而止

左右監門衛上將軍各一人大將軍各一人將軍各二人
掌諸門禁衛及門籍文武官九品以上每月送籍於引駕
仗及監門衛衛以帳報內門凡朝參奏事待詔官及織扇
儀仗出入者閱其數以物貨器用入宮者有籍有傍左監

門將軍判入右監門將軍判出月一易其籍行幸則率屬
於衙門監守

長史掌判諸曹及禁門巡視出入而司其籍傍餘同左右衛
兵曹參軍事兼掌倉曹曹曹兼掌騎曹

左右翊中郎將府中郎將掌涖宮殿城門皆左入右出中

郎將各四人長史各一人錄事參軍事各一人兵曹參軍

事各一人曹曹參軍事各一人有錄事一人史二人亭長
二人掌固二人兵曹府三

人史五人曹曹府三人史四人監門校尉三百二十人直
長六百八十人長入長上二十人直長長上二十人監門
校尉掌敘出入唐改
監門府郎將為將軍

左右千牛衛上將軍各一人大將軍各一人將軍各二人

掌侍衛及供御兵仗以千牛備身左右執弓箭宿衛以主
仗守戎器朝日領備身左右升殿列侍親射則率屬以從
胄曹參軍事掌甲仗凡御仗之物二百一十有九羽儀之
物三百自千牛以下分掌之上日執御弓箭者亦自備以
入宿主仗每月上則配以職行從則兼騎曹中郎將各二
人長史各一人錄事參軍事各一人兵曹參軍事各一人

胄曹參軍事各一人

唐改備身郎將曰將軍備身將曰中郎將千牛左右備身左右曰千牛備

身初置備身主仗有錄事一人史二人亭長二人掌固四人兵曹府一人史二人胄曹府一人史一人千牛備身十二人備身左右十二人備身二百人主仗一百五十人千牛備身掌執御刀服花鈿綉衣綠執象笏宿衛侍從備身左右掌執御弓矢宿衛侍從備身掌宿衛侍從主仗掌守供御兵仗

左右翊中郎將府中郎將掌供奉侍衛凡千牛及備身左
右以御刀仗升殿供奉者皆上將軍領之中郎將佐其職
有口勅通事舍人承傳聲不下聞者中郎將宣告

諸衛折衝都尉府每府折衝都尉一人上府正四品上中

府從四品下下府正五品下左右果毅都尉各一人上府

從五品下中府正六品上下府正六品下別將各一人上

府正七品下中府從七品上下府從七品下長史各一人

上府正七品下中府從七品上下府從七品下兵曹參軍

事各一人上府正八品下中府正九品下下府從九品上

校尉五人從七品下旅帥十人從八品上隊正二十人正

九品下副隊正二十人從九品下折衝都尉掌領屬備宿衛師役則總戎具資糧點習以三百人為團一校尉領之捉捕持更者晨夜有行人必問不應則彈弓而嚮之復不應則旁射又不應則射之晝以排門人遠望暮夜以持更人遠聽有衆而囂則告主帥

左右果毅都尉掌武都尉每府有錄事一人府一人史二人兵曹府二人史三人每隊正

領兵五十人武德元年改鷹揚郎將曰軍頭正四品下鷹擊郎將曰府副正五品上司馬曰長史正八品下校尉正

六品下旅帥正七品下廢越騎步兵二校尉及察非掾又改軍頭曰驃騎將軍府副曰車騎將軍皆為府諸率府置

驃騎將軍五人車騎將軍十人二年以車騎將軍府錄事驃騎將軍置二軍分關內諸府皆隸焉每軍將軍一人副

人至六年廢七年改驃騎將軍府為統軍府車騎將軍府為別將八年復置一軍貞觀十年改統軍府曰折衝都尉

別將曰果毅都尉軍坊置坊主一人檢校戶口勸課以本坊五品勳官為之三輔及近畿州都督府皆置府六百三十三求繼中廢長史置司馬一人總司兵司騎高武后垂拱中以千二百人為上府千人為中府八百人為下府赤縣為赤府畿縣為畿府聖曆元年廢司馬置長史兵曹參軍事又有別將一人從六品下居果毅都尉之次其後分左右各一人尋廢人之復置一人降其品開元初衛士為武士諸衛折衝果毅別將擇有行者為展仗官右羽林軍十五人左羽林軍二十五人衣服同色諸衛有弩手左右驍衛各八十五人餘衛各八十三人

左右羽林軍大將軍各一人正三品將軍各三人從三品

掌統北衙禁兵督攝左右廂飛騎儀仗大朝會則周衛諸

陞巡幸則夾馳道為內仗凡飛騎番上者配其職有勅上

南衙者大將軍承墨勅白移於金吾引駕仗官與監門奏

覆降墨勅然後乃得入長史各一人從六品上錄事參軍

武德十八年

事各一人正八品上倉曹參軍事各一人兼總騎曹事兵曹參軍事各一人曹曹參軍事各一人自倉曹參軍以下皆正八品下司階各二人正六品上中候各三人正七品下司戈各五人正八品上執戟各五人正九品下長上各十人左右翊衛中郎將府中郎將一人正四品下左右中郎一人左右郎將一人皆正五品上兵曹參軍事一人正九品上校尉五人旅帥十人隊正二十八人副隊正二十八人

有錄事一人史二人亭長二人學固四人倉曹兵曹各府二人史四人曹曹府史各二人左右翊衛中郎將府錄事一人府一人史二人倉曹兵曹各府二人史四人曹曹府史各二人

左右龍武軍大將軍各一人正二品統軍各一人正三品

將軍三人從二品掌同羽林長史錄事參軍事倉曹參

事兵曹參軍事曹曹參軍事各一人司階各二人中候各

三人司戈執戟各五人長上各十人

景雲元年置龍武將軍興元年六年各置統軍貞元二年龍武軍增將軍一員有錄事一人史二人亭長二人于固四人倉曹府二人史四人兵曹府二人

史四人曹曹府史各二人

左右神武軍六將軍各一人正二品統軍各一人正三品

將軍三人從二品總衙前射生兵長史錄事參軍事倉曹

參軍事兵曹參軍事曹曹參軍事各一人司階各二人中

候各三人司戈執戟各五人長上各十人

有錄事一人史二人倉曹兵曹

曹曹府史皆如神武軍開元二十六年分羽林置左右神武軍尋廢至德二年復置

左右神策軍大將軍各一人正二品統軍各二人正三品
將軍各四人從二品掌衛兵及內外八鎮兵護軍中尉各
一人中護軍各一人判官各三人都句判官二人句覆官
各一人表奏官各一人支計官各一人孔目官各二人驅
使官各二人自史以下自數如龍武軍左右龍武左右神武左右神策
號六軍貞元二年神策軍置大將軍將軍十四年置統軍
品秩同六軍始以前左右神威軍有大將軍二人正二品
統軍二人從三品將軍二人從五品元和初為一軍號天
威軍八年廢以雷十隸神策有馬軍步軍將軍及指揮使等
以馬軍大將軍知軍事天復三
年廢神策軍四年復置神策軍

東宮官

太子太師太傅太保各一人從一品掌輔導皇太子每見

迎拜殿門三師合拜每門必讓三師坐太子乃坐與三師
書前各惶恐後各惶恐再拜太子出則乘路備鹵簿以從
少師少傅少保各一人從二品掌曉三師德行以諭皇太
子奉太子以觀三師之道德自太師以下唯其人不必備

先天元年開府置令丞
各一人隸詹事府尋廢

太子賓客四人正三品掌侍從規諫贊相禮儀宴會則上

齒侍讀無常員掌講導經學貞觀十八年以宰相兼賓客
開元中定員四人太宗時晉

王府有侍讀及為太子亦置焉其後或置或不
開元初十王宅引辭學工書者入教亦為侍讀

詹事府太子詹事一人正三品少詹事一人正四品上掌
統三寺十率府之政少詹事為之貳皇太子書稱令庶子

以下署名奉行書案書日承二人正六品上掌判府事知
文武官簿假使凡勅令及尚書省二坊符牒下東宮諸司
者皆發焉

主簿一人從七品上錄事二人正九品下

隋廢詹事府武德初復置龍朔

二年曰端尹府詹事曰端尹少詹事曰少尹武后光宅元年改曰宮尹府詹事曰宮尹少詹事曰少尹有令史九人書令史十八人

司直一人正七品上掌糾劾宮寮及率府之兵皇太子朝
則分知東西班監國則詹事庶子為二司使司直一人與
司議郎舍人分日受理啓狀太子出則分察鹵簿之內

有令史一人書令史二人亭長四人掌固四人

左春坊左庶子二人正四品上中允二人正五品下掌侍
從贊相駁正啓奏總司經典膳藥藏內直典設宮門六局
皇太子出則版奏外辦中嚴入則解嚴凡令書下則與中
允司議郎等畫諾覆審留所畫以為案更寫印署注令諾
送詹事府

司議郎二人正六品上掌侍從規諫駁正啓奏凡皇太子
出入朝謁從祀釋奠謹學監國之命可傳於史冊者錄為
記注宮坊祥青官長除拜薨卒歲終則錄送史館

左諭德一人正四品下掌諭皇太子以道德隨事諷贊
太子朝宮臣則列侍左

左贊善大夫五人正五品上掌傳令諷過失贊禮儀以經

教授諸郡王錄事二人從八品下主事三人從九品下有

內允武德三年改曰中舍人諫門下坊貞觀初曰中允十

太子廢復舊龍朔二年改曰左贊善大夫司議郎分左春坊左庶子曰左

中護中允曰左贊善大夫司議郎不分左右其後論德廢而

一人咸亨元年皆復舊司議郎左右贊善大夫各十人以同姓

為之景雲二年始兼用庶姓改門下坊曰左春坊復置論

德庶子以比侍中中允以比門下侍郎司議郎以比給事

中贊善大夫以比諫議大夫論德以比散騎常侍右坊則

庶子以比中書令中舍人以比中書侍郎太子監國則庶

子比尚書令有令史六人書令史十二人傳令

四人掌儀一人贊者三人亭長三人掌門十人

崇文館學士二人掌經籍圖書教授諸生課試舉送如弘

文館校書郎二人從九品下掌校理書籍貞觀十三年置

崇文館學士二人掌經籍圖書教授諸生課試舉送如弘

文館校書郎二人從九品下掌校理書籍貞觀十三年置

崇文館學士二人掌經籍圖書教授諸生課試舉送如弘

文館校書郎二人從九品下掌校理書籍貞觀十三年置

崇文館學士二人掌經籍圖書教授諸生課試舉送如弘

文館校書郎二人從九品下掌校理書籍貞觀十三年置

崇文館學士二人掌經籍圖書教授諸生課試舉送如弘

年置學生二十人上元二年太子名政曰崇文館有

七年改曰校書郎乾元初以宰相為學士總館事貞

元八年隸左春坊有館生十五人書直一人令史二人書

令史二人典書二人榻書手二人楷書手

十人熟紙匠一人裝潢匠二人筆匠一人

司經局洗馬二人從五品下掌經籍出入侍從圖書上東

宮者皆受而藏之

文學三人正六品下分知經籍侍奉文章

校書四人正九品下正字二人從九品上掌校刊經史

太領正書曰正字龍朔三年改司經局曰推坊罷隸左春

直一人比侍御中以洗馬為司經大夫置文學四人錄事

典書元九年復隸左春坊省錄事有書令史二人書直二人

筆匠各

典膳局典膳郎二人從六品下丞二人正八品上掌進膳

嘗食丞為之貳每夕更直於厨龍朔二年改典膳監曰典

四人主食六人典食二百人掌固四人

藥藏局藥藏郎二人從六品下丞二人正八品上掌和醫

藥丞為之貳皇太子有疾侍醫診候議方藥將進宮臣泣

嘗如尚藥局之職有書令史一人典藥二人藥童六人掌固四人

內直局內直郎二人從六品下丞二人正八品下掌符璽

衣服繖扇几案筆硯垣墻龍朔二年改監曰內直郎副監

服十二人典扇八人典翰八人掌固六人武德中有典璽四人開元中廢

典設局典設郎四人從六品下丞二人正八品下掌湯沐

燈燭汛掃鋪設凡皇太子散齋別奠致齋正殿前日設帳

坐於東序及室內張帷前楹龍朔二年改齋帥局曰典設局齋帥曰郎有書令史二人

書吏四人藩士二百四十五人掌固十二人

宮門局宮門郎二人從六品下丞二人正八品下掌宮門

管籥凡夜漏盡擊漏鼓而開夜漏上水一刻擊漏鼓而閉

歲終行儺則先一刻而啓皇太子不在則闔正門還仗如

常凡宮中唱時不鼓龍朔二年改官門監曰宮門郎有書令史二人書吏二人門僕百人掌固

四人

右春坊右庶子二人正四品下中舍人二人正五品下掌

侍從獻納啓奏中舍人爲之貳皇太子監國下令書則畫
日至春坊則庶子宣傳中舍人奉行

太子舍人四人正六品上掌令書表啓諸臣上皇太子大
事以牋小事以啓其封題皆上右春坊通事舍人以進

通事舍人八人正七品下掌導宮臣辭見承令勞問右諭
德一人右贊善大夫五人録事一人主事二人品皆如左

春坊隋內舍人隸典書坊武德初改口中舍人管記舍人
曰太子舍人永徽元年避太子名復改中舍人曰內

舍人龍朔三年改典書坊曰右春坊右庶子曰右中護中
舍人曰右贊善大夫舍人曰右司議郎有令史九人書令

史十八人傳令四人典謁
四人亭長六人掌固十人

家令寺家令一人從四品上掌飲膳倉儲總食官典倉司

藏三署皇太子出入則乘輅車爲道祭祀賓客則供酒食

賜予則奉金玉貨幣凡牀几茵席器物非取於將作少府

者皆供焉丞二人從七品下掌判寺事凡三署出納皆刺

於詹事莊宅田園審肥瘠爲收歛之數宮朝坊府土木營

繕則下於司藏主簿一人正九品下唐改司府令曰家令

龍朔二年改家令寺
曰宮府寺家令曰大夫有録事一人府十人
史二十人亭長四人掌固四人雜匠百人

食官署令一人從八品下丞二人從九品下掌飲膳酒醴

凡四時供送設食皆顯焉供六品以下元日寒食冬至食

於家令厨者有府二人史四人掌膳四人
供膳百四十人奉解三十人

典倉署令一人從八品下丞二人從九品下掌九穀醢醢

庶羞器皿燈燭凡園圃樹藝皆受令焉每月籍出納上於寺歲終上詹事府給戶奴婢番戶雜戶資糧衣服有府三人史五人

人園丞二人史二人

司藏署令一人從八品下丞二人從九品下掌庫藏財貨

出納營繕有府三人史四人計史二人

率更寺令一人從四品上掌宗族次序禮樂刑罰及漏刻

之政太子釋奠講學齒胄則總其儀出入乘輅車為導居

家令之次坊寺府有罪者論罰庶人杖以下皆送大理皇

太子未立則斷於大理

丞一人從七品上掌貳令事官臣有犯理於率更者躬聞

蔽罪而上於詹事

主簿一人正九品下掌印局凡宗族不序禮儀不節音律

不諧漏刻不審刑名不法皆舉而正之決囚則與丞同泣

龍朔二年改曰司更寺令曰司更大夫有錄事一人府三人史四人漏刻博士三人掌漏六人漏童二十人典鍾典鼓各十二人亭長四人掌固四人漏刻博士掌教漏刻

僕寺僕一人從四品上掌車輿乘騎儀仗喪葬總廩牧署

太子出則率廩牧令進路親馭

丞一人從七品上掌判寺事凡馬畜芻粟歲以季夏上於

詹事以時出入而節其數

主簿一人正九品下掌廩牧畜養車騎駕馭儀仗龍朔二年改曰

馭僕寺僕曰大夫有進馬十一人錄事一人府三人史五人亭長三人掌固三人

廩牧署令一人從八品下丞二人從九品下掌車馬閑廩

牧畜皇太子出則率典乘先期習路馬率駕士馭車乘既

出進路式路車於西閣外南向以俟凡群牧隸東宮者皆

受其職事典乘四人從九品下有府三人史六人翼馭十人駕士十五人掌閑六百

人獸醫十人主酪三十人翼馭掌調馬執馭

太子左右率府率各一人正四品上副率各二人從四品

上兵仗儀衛凡諸曹及三府外府皆隸焉元日冬至皇

太子朝宮臣諸方使副率衛府之屬為衛每月三府三衛

及五府超乘番上者配以職武德五年改左右侍率曰左右衛率府左右武侍衛率曰

左右宗衛率府左右宮門將曰左右監門率府龍朔二年改左右衛率府曰左右典戎衛左右宗衛率府曰左右司

禦率府左右虞候率府曰左右清道衛左右內率府曰左右奉裕衛左右監門率府曰左右崇掖衛武后垂拱中改

左右監門率府曰左右鶴禁衛神龍元年改左右司禦率府曰左右宗衛府左右清道衛曰左右虞候率府景雲二

年左右宗衛府復曰左右司禦率府開元初左右虞候率府復曰左右清道率府

長史各一人正七品上掌判諸曹府季秋以屬官功狀上

於率而為考課

錄事參軍事各一人從八品上倉曹參軍事兵曹參軍事

冑曹參軍事騎曹參軍事各一人從八品下倉曹掌文官

簿書兵曹掌武官簿書冑曹掌器械公廨營繕司皆各一

人從六品上中候各二人從七品下司戈各二人從八品

上執戟各三人散長上各十人從九品下左右司禦清道

監門內率府自率以下品同有錄事一人府一人史一人倉曹府一人史二人兵曹曹

曹各府二人史三人騎曹府五人史七人亭長掌固各二人

親府勳府翊府三府每府中郎將各一人從四品上左右

郎將各一人正五品下中郎將郎將掌其府校尉旅帥及

親勳翊衛之屬宿衛而總其事

兵曹參軍事各一人從九品上掌判句大朝會及皇太子

出則從鹵簿而泣其儀親衛從七品上勳位正八品上翊

衛從八品上負皆亡校尉各五人從六品上旅帥各十人

從七品下隊正各二十人從八品上武德元年改功曹曰親衛義曹曰勳衛良

曹曰翊衛置一府有錄事二人府史各一人

太子左右司禦率府率各一人正四品上副率各二人從

四品上掌同左右衛凡諸曹及外府旅賁番上者隸焉長

史各一人正七品上錄事參軍事各一人從八品上倉曹

參軍事兵曹參軍事冑曹參軍事騎曹參軍事各一人從

八品下司階各一人中候各二人司戈各二人執戟各三

人親衛勳衛翊衛三府中郎將以下如左右衛率府有錄事一人

史二人倉曹府一人史一人兵曹府二人史三人冑曹府史各二人亭長一人掌固二人

太子左右清道率府率各一人副率各二人掌晝夜巡警

凡諸曹及外府直盪番上者繼焉皇太子出入則以清游

隊先導後拒隊為殿長史各一人錄事參軍事各一人從
 八品上倉曹參軍事兵曹參軍事冑曹參軍事各一人從
 八品下左右司階各一人左右中候各二人左右司戈各
 一人左右執戟各三人親衛勳衛翊衛三軍中郎將以下
 如左右衛率府有錄事一人史二人亭長二人掌固二人
曹曹府二人史二人
倉曹府一人史二人兵曹府二人史三人
冑曹府二人史二人
細引押仗五十人
 太子左右監門率府率各一人副率各二人掌諸門禁衛
 凡財物器用出者有籍長史各一人錄事參軍事各一人
 正九品上兵曹參軍事各一人正九品下兼領倉曹冑曹
 參軍事各一人正九品下監門直長七十八人從七品下

唐改官門將曰監門率直事曰直長有錄事一入史二人
 亭長一人掌固二人兵曹府二人史二人冑曹府二人史
 三人

太子左右內率府率各一人副率各一人掌千牛供奉之
 事皇太子坐日領千牛升殿射于射宮則千牛奉弓矢立
 東階西面率奉弓副率奉矢決拾北面張弓左執弣右執
 簫以進副率以弓拂矢而進各退立於位既射左內率啓
 其中否長史各一人錄事參軍事各一人正九品上兵曹
 參軍事各一人正九品下兼領倉曹冑曹參軍事各一人
 正九品下千牛各四十四人從七品上唐置兵曹改可使
 左右復曰千牛備
身王射左右後曰備身左右弓箭備身去弓箭之名龍朔
 二年改千牛備身曰千牛備身左右并

為千牛有備身二十八人主仗四十人軍事一人
史二人兵曹府一人史一人曹曹府一人史一人

百官志第三十九上

百官志第三十九下

唐書四十九下

歐陽脩奉 敕 撰

王府官

傅一人從三品掌輔正過失證駭參軍事一人正五品上

掌許謀議事友一人從五品下 寺游處規諷道義侍讀

無定負文學一人從六品上掌校典籍侍從文章東西閣

祭酒各一人從七品上掌禮賢良導賓客 自祭酒以下為王官武德中置

師一人常侍二人侍郎四人皆掌表啓書疏贊相禮儀舍人四人掌通傳引納謁者二人舍人二人諮議參軍事友

皆正五品下文學祭酒皆正六品下高宗中宗時相王府長史以宰相兼之魏雍衛王府以尚書兼之徐韓二王為

刺史府官同外官資望愈下永淳以前王未出閣則不開府天授二年置皇孫府官玄宗諸子多不出閣王官益輕

萬曆四年

百官志第三十九下

一

而貞亦減矣景雲二年改師曰傳開元二年廢尋復置廢
常侍侍郎謁者舍人開成元年改諸王侍讀曰奉諸王講
讀大中 羊 賦 兼 之 賦 兼 諸 王 侍 讀 曰 奉 諸 王 講
初復舊

長史一人從四品上司馬一人從四品下皆掌統府僚紀

綱職務掾一人掌通判功曹倉曹戶曹事屬一人皆正六

品上掌通判兵曹騎曹法曹士曹事主簿一人掌覆省書

教記室參軍事二人掌表啓書疏錄事參軍事一人皆從

六品上掌付事句稽省署鈔目錄事一人從九品下功曹

參軍事掌文官簿書考課陳設倉曹參軍事掌祿廩厨膳

出納市易畋漁芻橐戶曹參軍事掌封戶僮僕弋獵過所

兵曹參軍事掌武官簿書考課儀衛假使騎曹參軍事掌

廢牧騎乘文物器械法曹參軍事掌按訊決刑士曹參軍

事掌土功公解自功曹以下各一人正七品上參軍事二

人正八品下行參軍事四人從八品上皆掌出使雜檢校

典籤二人從八品下掌宣傳書教武德中改功曹以下書

皆曰參軍事長兼行書佐曰行參軍廢城局參軍事又有

鎧曹參軍事二人掌儀衛兵仗田曹參軍事一人掌公廩

職田弋獵水曹參軍事二人掌舟舡漁捕芻草皆正七品

下家吏二人百司問事謁者一人正七品下司閤一人正

九品下貞觀中廢鎧曹田曹水曹武后時家吏以下皆廢

主簿記室有史二人錄事功曹倉曹兵曹騎曹法曹士曹
各府二人史二人戶曹府史各二人自
典籤以上為府官郡王嗣王不置長史
親事府典軍二人正五品上副典軍二人從五品上皆掌
校尉以下守衛陪從兼知鞍馬校尉五人從六品上旅帥

從七品下隊正從八品下隊副從九品下皆掌領事帳內
陪從自旅帥以下視親事多少乃置帳內府典軍二人正
五品上副典軍二人從五品上自校尉以下負品如親事
府初典軍以武官及流外為之領執仗帳內等秦王齊王
府置左右六護軍府左右親軍府左右帳內府左一右
一護軍府護軍各一人副護軍各二人長史錄事參軍事
倉曹兵曹鎧曹參軍事各一人統軍各五人別將各一人
左二右二護軍府左三右三護軍府減統軍三人別將六
人左右親軍府統軍各一人長史各一人錄事參軍事兵
曹鎧曹參軍事左別將右別將各一人帳內府職負與護
軍府同又有庫直隸親事府驅陞直隸帳內府選材勇為
之貞觀中庫直以下皆廢親事府有府一人史二人執仗
親事十六人執弓仗執乘親事十六人掌供騎乘親事三
百三十人帳內府有府一人
史一人帳內六百六十七人
從七品下大... 八從八品下掌...

尉一人正九品下丞一人從九品下學官長丞各一人掌
教授內人食官長丞各一人掌營膳食廐牧長丞各二人
掌畜牧典府長丞各二人掌府內雜事長皆正九品下丞
皆從九品下有典衛八人掌守衛陪從舍人
四人錄事一人府四人史八人
公主邑司令一人從七品下丞一人從八品下掌公主財
貨稟積田園主簿一人正九品下錄事一人從九品下督
封租主家財貨出入有史八人謁者二人
舍人二人家史二人
外官

天下兵馬元帥副元帥都統副都統行軍長史行軍司馬
行軍左司馬行軍右司馬判官掌書記行軍參謀前軍兵

馬使中軍兵馬使後軍兵馬使中軍都虞候各一人元帥

都統招討使掌征伐兵罷則省都統總諸道兵馬不賜旌

節高祖起兵置左右領軍大都督各總三軍及定京師置左右元帥太原道行軍元帥西討元帥皆親王領之天

寶末置天下兵馬元帥都統朔方河東河北平盧節度使

招討都統之名始於此大曆八年罷天下兵馬元帥建中

四年以李希烈反置諸軍行營兵馬都元帥興元元年置副都統會昌中置靈夏六道元帥黃巢之難置諸道行營

都都統天福二年置諸道兵馬元帥尋復改曰天下兵馬元帥

行軍司馬掌弼戎政居則習蒐狩有役則申戰守之法器

械糧補軍籍賜予皆專焉武德元年改贊治曰治中太宗即位曰司馬下州亦置焉顯慶

二年置洛州司馬武后大足元年東都北都雍荆揚益州置左右司馬神龍二年省大極元年雍洛四大都督府增

司馬一人亦分左右

掌書記掌朝覲聘問慰薦祭祀祈祝之文與號令升絀之

事行軍參謀關豫軍中機密景龍元年置掌書記開元十

二年罷行軍參謀尋復置

節度使副大使知節度事行軍司馬副使判官支使掌書

記推官巡官衙推各一人同節度副使十人館驛巡官四

人府院法直官要籍逐要親事各一人隨軍四人節度使

封郡王則有奏記一人兼觀察使又有判官支使推官巡

官衙推各一人又兼安撫使則有副使判官各一人兼支

度營田招討經略使則有副使判官各一人支度使復有

遣運判官巡官各一人節度使長總軍旅顯誅殺初授具

帑抹兵仗詣兵部辭見觀察使亦如之辭日賜雙旌雙節

行則建節樹六纛中官祖送次一驛輒上聞入境州縣築節樓迎以鼓角衙仗居前旌幢居中大將鳴珂金鉦鼓角居後州縣齎印迎于道左視事之日設禮案高尺有二寸方八尺判三案節度使判宰相觀察使判節度使團練使判觀察使三日洗印視其刑缺歲以八月考具治否銷兵爲上考足食爲中考邊功爲下考觀察使以豐稔爲上考省刑爲中考辦稅爲下考團練使以安民爲上考懲姦爲中考得情爲下考防禦使以無虞爲上考清苦爲中考政成爲下考經略使以計度爲上考集事爲中考修造爲下考罷秩則交廳以節度使印自隨留觀察使營田等印以

郎官主之鑱節樓節堂以節院使主之祭奠以時入朝未見不入私第京兆河南牧大都督大都護皆親王逢領兩府之政以尹主之大都督府之政以長史主之大都護府之政以副大都護主之副大都護則兼王府長史其後有持節爲節度副大使知節度事者正節度也諸王拜節度大使者皆留京師

觀察使副使支使判官掌書記推官巡官衙推隨軍要籍進奏官各一人

團練使副使判官推官巡官衙推各一人

防禦使副使判官推官巡官各一人觀察處置使掌察所

史十四人大都督有府三人
下府有府二人史五人
佐一人史四人下州
有佐一人史三人

書司士參軍事掌津梁
舟車倉宅工藝
有府五人史六人
大都督府

有府四人史一人中府下
上州有佐二人史五人中
參軍事掌出使替道守武德
日參

文學一人從八品上掌以
五經授諸生縣則州補州則授
武德初置經學博士助教學
生德宗即位改博士曰文學

於吏部然無職事衣冠耻
學京兆等三府助教二人學生
助教一人中都督府學生五十

元和六年廢中州下州文
八十大都督府上州各
人下府下州
各四十八人

醫學博士一人從九品上
掌療民疾
貞觀三年置醫學
醫藥博士及學生

元元年改醫藥博士為西學博士諸州置助教寫本草百
一集驗方藏之未幾醫學博士學生皆省僻州少醫藥者
如故三十七年復置醫學博士掌州境巡療永泰元年復置
醫學博士三都都督府上州中州各有助教二人三都學
生三十人都督府上州
二十人中州下州十人

大都督府都督一人從二品長史一人從三品司馬二人
從四品下錄事參軍事一人正七品上錄事二人從九品

上功曹參軍事倉曹參軍事戶曹參軍事田曹參軍事兵
曹參軍事法曹參軍事士曹參軍事各一人正七品下參

軍事五人正八品下市令一人從九品上文學一人正八

品下醫學博士一人從八品上中都督府都督一人正三

品別駕一人正四品下長史一人正五品上司馬一人正

萬曆十六年

官志卷九下

八

五品下錄事參軍事一人正七品下錄事二人從九品上
功曹參軍事倉曹參軍事戶曹參軍事田曹參軍事兵曹
參軍事法曹參軍事士曹參軍事各一人從七品上參軍
事四人從八品上市令一人從九品上文學一人從八品
上醫學博士一人正九品上下都督府都督一人從三品
別駕一人從四品下長史一人從五品上司馬一人從五
品下錄事參軍事一人從七品上錄事二人從九品上功
曹參軍事倉曹參軍事戶曹參軍事田曹參軍事兵曹參
軍事法曹參軍事士曹參軍事各一人從七品下參軍事
三人從八品下文學一人從八品下醫學博士一人正九

別將曰果毅都尉軍坊置坊主一人檢校戶口勸課農桑
以本坊五品勳官為之三輔及近畿州都督府皆置府凡
六百三十三永徽中廢長史置司馬一人總司兵司騎二
局武后垂拱中以千二百人為上府千人為中府八百人
為下府赤縣為赤府畿縣為畿府聖歷元年廢司馬置長
史兵曹參軍事又有別將一人從六品下居果毅都尉之
次其後分左右各一人尋廢久之復置一人降其品開元
初衛士為武士諸衛折衝果毅別將擇有行者為展伏押
官右羽林軍十五人左羽林軍二十五人衣服同色諸
衛有弩手左右號衛各八十五人餘衛各八十三人

左右羽林軍大將軍各一人正三品將軍各三人從三品
掌統北衙禁兵督攝左右廂飛騎儀仗大朝會則周衛階
陛巡幸則夾馳道為內仗凡飛騎番上者配其職有勅上
南衙者大將軍承墨勅白移於金吾引駕仗官與監門奏
覆降墨勅然後乃得入長史各一人從六品上錄事參軍

事各一人正八品上倉曹參軍事各一人兼總騎曹事兵曹參軍事各一人自倉曹參軍以下皆正八品下司階各二人正六品上中候各三人正七品下司戈各五人正八品上執戟各五人正九品下長上各十人左右翊衛中郎將府中郎將一人正四品下左右中郎一人左右郎將一人皆正五品上兵曹參軍事一人正九品上校尉五人旅帥十人隊正二十人副隊正二十人

有錄士一人史二人亭長二人掌固四人倉曹兵曹各府二人史四人曹曹府史各二人左右翊中郎將府錄事一人府一人史二人倉曹兵曹各府二人史四人曹曹府史各二人

左右龍武軍大將軍各一人正二品統軍各一人正三品

馬一人正五品下錄事參軍事一人正七品下功曹參軍事倉曹參軍事戶曹參軍事兵曹參軍事各一人從七品上參軍事三人從八品上都護掌統諸蕃撫慰征討叙功罰過總判府事

上州刺史一人從三品職同牧尹別駕一人從四品下

武德元年改太守曰刺史加使持節丞曰別駕十年改雍州別駕曰長史高宗即位改別駕皆為長史上元二年諸州復置別駕以諸王子為之永隆元年省永淳元年復置景雲二年始參用庶姓天寶元年改刺史曰太守八載諸郡廢別駕下郡置長史一員上元二年諸州復置別駕德宗時復省元和長慶之際兩河用兵裨將有功者補東宮王府官又次當進及受代居京師者常數十人訴宰相以求官文宗世宰相韋處厚建議復置兩輔六雄十望十繫州別駕

長史一人從五品上司馬一人從五品下錄事參軍事一人從七品上錄事二人從九品下司功參軍事一人司倉參軍事一人司戶參軍事二人司田參軍事一人司兵參軍事一人司法參軍事二人司士參軍事一人皆從七品下參軍事四人從八品下市令一人從九品上丞一人從九品下文學一人從八品下醫學博士一人從九品下中州刺史一人正四品下錄事參軍事一人正八品上錄事一人從九品上司功參軍事司倉參軍事司戶參軍事司田參軍事司兵參軍事司法參軍事司士參軍事各一人正八品下參軍事三人正九品下醫學博士一人從九品

下下州刺史一人正四品下別駕一人從五品上司馬一人從六品上錄事參軍事一人從八品上錄事一人從九品下司倉參軍事司戶參軍事司田參軍事司法參軍事各一人從八品下參軍事二人從九品下醫學博士一人從九品下諸軍各置使一人五千人以上有副使一人萬人以上有營田副使一人軍皆有倉兵曹參軍事刺史領使則置副使推官衙官州衙推軍衙推

京縣令各一人正五品上丞二人從七品上主簿二人從八品上錄事二人從九品下尉六人從八品下畿縣令各一人正六品上丞一人正八品下主簿一人正九品上尉

二人正九品下上縣令一人從六品上丞一人從八品下
主簿一人正九品下尉二人從九品上中縣令一人正七
品上丞一人從八品下主簿一人從九品上尉一人從九
品下中下縣令一人從七品上丞一人正九品上主簿一
人從九品上尉一人從九品下下縣令一人從七品下丞
一人正九品下主簿一人從九品上尉一人從九品下縣
令掌導風化察冤滯聽獄訟凡民田收授縣令給之每歲
季冬行鄉飲酒禮籍帳傳驛倉庫盜賊隄道雖有專官皆
通知縣丞爲之貳縣尉分判衆曹收率課調武德元年改
書佐曰縣尉
尋改曰止諸縣置主簿以流外爲之京縣上縣丞皆一人
畿縣上縣正皆四人七年改縣正復曰尉貞觀初諸縣置

錄事開元中上縣萬戶中縣四千戶以上增尉一人京兆
河南府諸縣戶三千以上置索令一人戶一萬以上置義
倉督二人其後畿縣戶不及四千亦置尉二人萬戶增一
人凡縣有司功佐司倉佐司戶佐司兵佐司法佐司土佐
典獄門事等畿縣減司兵上縣有司戶司法而已凡縣皆
有經學博士助教各一人京縣學生五十人畿縣四十人
中縣以下各
二十五人

上鎮將一人正六品下鎮副二人正七品下倉曹參軍事
兵曹參軍事各一人從八品下中鎮將一人正七品上鎮
副一人從七品上兵曹參軍事一人正九品下下鎮將一
人正七品下鎮副一人從七品下兵曹參軍事一人從九
品下每鎮又有使一人副使一人凡軍鎮二萬人以上置
司馬一人正六品上增倉曹兵曹參軍事各一人從七品

下不及二萬者司馬從六品上倉曹參軍事正八品
 上上戍主一人正八年下戍副一人從八品下中戍主一
 人從八品下下戍主一人正九品下鎮將鎮副戍主戍副
 掌捍防守禦凡上鎮二十中鎮九十下鎮一百三十五下
 戍十一中戍八十六下戍二百四十五倉曹參軍事掌儀
 式倉庫飲膳醫藥付事句稽省署鈔目監印給紙筆市易
 公解中鎮則兵曹兼掌兵曹參軍事掌防人名帳戎器管
 鑰馬驢上木適罰之事上鎮有錄事一人史一人倉曹佐
 一人史二人兵曹佐史各二人倉
 督一人史二人中鎮錄事一人兵曹佐一人史四人倉督
 一人史二人下鎮錄事一人兵曹佐一人史二人倉督一
 人史一人凡軍鎮五百人有押官一人千人有子總管一
 人史一人又有府三人史四人上戍佐一人史二人中戍
 五千人又有府三人史四人上戍佐一人史二人中戍

史二人下戍史一人唐廢戍子每防人五百人為上鎮三
 百人為中鎮不及者為下鎮五十人為上戍三十人為中
 戍不及者為下戍開元十五年朔方五城各置田曹參軍
 事一人品同諸軍判司專莅營田永泰後諸鎮官頗增減
 開元之舊

五岳四瀆令各一人正九品上掌祭祀有祝史三人齊
 郎各十三人

上關令一人從八品下丞二人正九品下中關令一人正

九品下丞一人從九品下下關令一人亦從九品下掌禁

末游察姦慝凡行人車馬出入據過所為往來之節凡關

二十有六京四面關有驛道者為上關無驛道者為中關

餘為下關丞掌付事句稽監部省署鈔目通判關事上關
 錄事

一人府二人史四人典事六人中關錄事一人府一人史
 二人典事四人下關府一人史典事各二人典事掌巡

及雜當初諸關置都尉亦有他官奉勅監者上津置尉一人
掌舟梁之事府一人史二人津長四人下津尉一人府
一人史二人津長二人未徽中廢津尉上關置津吏八
人未泰元年中關置津吏六人下關四人無津者不置

百官志第三十九下

